



明詩紀事

乙籤

王紱 十六首

紱字孟端無錫人洪武中徵至京師尋坐累戍朔州  
永樂初以善書供事文淵閣除中書舍人有友石山

房稿五卷

四庫總目紱博學工書畫所作山水竹石風韻瀟灑妙  
絕一時說者謂可繼其鄉倪瓚其詩雖結體稍弱而  
清雅有餘蓋其神思本清故雖長篇短什隨意擣染  
不盡計其工拙而擺落塵氛自然合度  
儼山集國朝墨竹最擅名者金陵王孟端中書婁江  
夏仲昭太常婁江出於金陵其後畧變然瀟灑絕俗  
匏翁家藏集畫神氣力太常亦自能到近時得其妙者

乙籤卷六

莫過於毗陵王孟端舍人

莫過於毗陵王孟端舍人  
一土梅道人遺意而清標高格又似過之余嘗記其  
二幅遺其僚素厚黔公行金帛求孟端畫謝絕之後忽意  
母言我乃大賈甚喜具蛇絨文綺各二求孟端一配  
之其人乃大賈甚喜具蛇絨文綺各二求孟端一配  
幅孟端創其幣手裂畫壞之湖山佳趣一卷初閱之  
以為黃鶴山樵也清思直撲人眉睫問應接不暇至  
下黃鶴山樵今來漸寂然使有真鑒賞者而知其  
胸中富邱壑也吾東吳菰蘆人步武之外皆卷中境  
界晚途復作吏不覺自遠聊置此卷案頭於春明退  
朝宰暇時乞李文正篆額吳文定題字邵文莊作歌其  
為名士所推如此  
李日華恬致堂集孟端寫竹於倪徵君柯博士兩家  
斟酌多寡濃淡而為之是以有倪之逸無其疏野有  
柯之雄無其伉浪  
六研齋二筆王孟端贈黃叔洪山水一幀用筆精到  
耐軒居士王達一詩亦佳詩曰萬古山川一鑑開層





層曲曲見樓臺雲隨曉月峯前墮鷗逐春溪樹裏來  
兩岸落花人蕩槳半汀殘雨客街杯寢區何處有此  
地物外四時無點埃豈但右軍多筆法要知黃石是  
仙才奔灘觸浪非積鯉絕壁疑嵐護翠苔玉室金堂  
疑太華紫芝瑤草憶蓬萊相看六月不知暑一榻清  
風眞快哉  
逸工古詩歌尤善山水石竹每酒酣對客著黃冠眼  
意氣傲然伸紙擴袂揮筆灑灑奇怪跌宕不可名狀  
畫已徐吟五字詩蕭然有風人之致  
聲律不在高楊張徐之亞如舊業暫歸翻似客異鄉  
重到即爲家通仙要得懸壺術遺世聊存荷鋤風草  
色池塘看細雨杏花簾幙動輕寒鳥從萬木陰中響  
人在亂山深處行皆意新而調逸不獨筆墨工竹石  
而已

雨中過歐陽編修館題竹木畫上

我生本寂寞況茲久羈旅偶君素心人來往迭賓主秋聲動

乙籤卷六

高樹暝色渺煙渚孤館坐題詩蕭蕭正風雨

訪陳羽士道甯因贈

我生樂夷曠幽抱常沖虛偶客京華塵不異林泉居時來訪  
仙侶相與論道書凝神入無象妙觀天地初物我旣莫立孰  
謂形迹拘吹笙碧桃春天風動霞裾孤雲度碧落六合乃吾  
廬出門感羣動役役將何如

爲游伯瓊題靜觀卷

羣動日擾擾何由止羈煩我心一以靜庶或澄其源天高四  
山寂日落孤雲鷺至理無不在朝市同邱園君應領斯妙吾  
亦忘吾言

送松溪宰周景辰調連城



君從松溪來又復連城去宦游若漂萍流轉那能住百年多  
遠別握手幾懽遇况茲當暮齡幽抱復難慰都門一杯酒回  
首知何處天南與天北相思渺雲樹

題畫

衡門掩秋色苔徑淨無塵人迹雖罕至簡編良可親修篁度  
涼颺高梧落繁陰時應散幽寂采藥過中林  
過華叔端草堂寫晴竹於壁上

我愛君家遠城郭遠檐竹色侵簾幙醉中揮灑寫晴梢相雲  
一翦春陰薄看來頓覺風氣清耳邊恍若聞秋聲嘯歌到晚  
不歸去高卧翠陰呼月明

題畫

乙籤卷六

三

結屋千山萬山裏軒窗四面峯巒起捲幔晴招嶺上雲烹茶  
夜汲巖前水二三高人同素心杖藜時復來幽林抱琴相延  
坐亭上一曲雅諧山水音屋頭隙地肯相許願作比鄰共遊  
處賸採松花釀玉醪更覓黃精斲春雨

野航

踪跡渾無定生涯一葦輕自應耽野趣無復重浮名汀草斜  
陽晚鷗波細雨晴不因時賣卜那肯泊江城

寄潘子安

潘郎豪且逸佐郡上瞿塘縱酒官情薄耽詩野興狂才名雖  
藉甚家業已荒涼聞說喬公女鴛鴦瑣洞房

田按子安爲夔州同知余旣據明風雅敘之於子安  
仕履下矣今得孟端寄子安詩云潘郎豪且逸佐郡



上瞿塘佐證益明又檢洪武實錄十八年以沔陽衛  
指揮僉事潘進為雲南右衛指揮同知進和州人安  
安其猶子也張子宜有送子安歸沔陽序向疑子安  
和州人何得云歸沔陽今乃知其隨進宦遊因流寓  
沔陽也補錄於此子安名  
仁詩別見甲籤二十卷

### 為劉竹深題雲山圖

白雲縹緲山嵯峨幽人茅堂巖澗阿玉田瑤草煖煙碧落花  
流水春風和采松釀酒正堪醉掃石弄琴還自歌何當結鄰  
成兩叟杖藜日日頻相過

### 題真上人竹茶爐

僧館高閒事事幽竹編茶竈淪清流氣蒸陽美三春雨聲帶  
湘江兩岸秋玉白夜敲蒼雪冷翠甌晴引碧雲稠禪翁託此

重開社若個知心是趙州

### 乙籤卷六

四

邵寶容春堂集洪武壬午春友石公以病目寓惠山  
聽松庵日愈圖廬山於秋濤軒壁其友潘克誠氏往  
觀之於是竹工自湖州至庵僧性海與友石以古  
制命為茶爐友石有詩詠之一時諸名公繼作成卷  
永樂初性海住虎邱謨孟賢見而愛之撫玩不已潘之  
十餘年成化間楊謨孟賢卒之三年秦方伯廷詔以郡  
孫慨然曰此豈珍於昌黎之畫而吾獨不能歸諸奸  
者乎乃以畀孟賢遂為僧撰疏語白諸孟賢之兄孟  
守報政還自武昌諸東併撰疏語白諸孟賢之兄孟  
敬取而歸焉吾聞諸東既聲之於詩復圖之於卷是  
田按聽松庵竹爐孟端既聲之於詩復圖之於卷是  
為第一圖一時唱和萃為竹爐清咏王耐菴達序所  
謂裁凌秋之澗竹製煮雪之茶爐遠追桑苧之風近  
葺香山之社也嗣是有砥齋者繪而贈之楊氏成化  
移席虎邱竹爐為潘氏所得又轉而贈之楊氏成化  
丙申秦方伯夔疏乞於楊氏既得作聽松庵復竹茶  
爐記一時好事者又倡和成卷明年丁酉有吳理者  
復圖之是為第三圖國初有竊孟端圖鬻輩下者  
為顧舍人貞觀所得宋牧仲撫吳乞圖於顧畫苑臣  
寺僧乾隆辛未為第四圖閱二十餘年四命畫苑臣  
張宗蒼圖之是為第四圖閱二十餘年四命畫苑臣  
邱漣取入官廨不戒於火名山鉅蹟了無一存高



宗親灑宸翰作第一圖復命皇六子補第二圖  
貝勒弘祜補第三圖侍郎董誥補第四圖又出內  
府所藏孟端溪山漁隱長卷俾山僧藏之松庵勝蹟  
頓復舊觀余錄孟端詩並明人之先後題詠者附錄  
於此王達詩云綠絲細剪湖雲盡梅花正滿臨吟骨  
健清風一榻鬢絲寒粟未乾紫雪是凌秋  
幾竿韓奕詩云綠玉裁成偃月形偏宜煮雪向巖局  
虛心未許如灰冷古色爭看似汗青偶免樵柯供土  
銚尙疑清籟和陶瓶達人曾擬同天地上有秋蟲爲  
篆銘錢仲益詩云霜筠織就煮茶爐便覺清風起座  
隅瀉汗簡猶疑鳥跡殊擬口不須參玉版願分一滴  
洗塵污陶振詩云翦裁蒼雪出淇園菌蠢龍頭製作  
丹紫筍香浮陽美兩玉笙聲沸惠山泉肯藏太乙燒  
趙州禪師庚老詩云船上好巖花苦石道人茶具竹  
爐成邈家散迹尙從事鴻漸作經宜著名火升龍氣  
若丹鼎瓶合鳳聲如玉笙西園老客動高興急裏月  
團來會盟梁用行詩云織具時聞紫筍馨此君端合  
置禪扇心灰未死還瞻綠劫火方然異綬青煙引翠  
陰秋德榻水喧清籟夜翻瓶上人好就平安日徧刻

乙籤卷六

五

茶經當勒銘秦夔詩云烹茶只合伴枯禪誤落人間  
五十年華屋夢醒塵冉冉湘江魂冷月娟娟歸來白  
壁元無玷老去青山最有緣從此遠公須愛惜願同  
衣鉢永相傳高直詩云竹爐還復聽松禪老眼摩挲  
認往年潤帶茶煙香細細冷含蘿雨翠娟娟已醒萬  
劫塵中夢重結三生石上緣五馬使君題品後一燈  
相伴永流傳

登盱眙山

縣郭高臨紫翠閒泊舟乘興一躋攀荆揚南望無多路淮楚  
西來第一山僧舍徑幽松影合水祠碑在蘚痕斑登臨不用  
悲今古渡口寒潮日往還

送陳尙賓還靖州

嗟余湖海度年華爾復飄零更可嗟舊業暫歸翻似客異鄉  
重到卽爲家江連雲夢孤帆遠日落衡湘斷雁斜後夜月明



何處泊相思回首各天涯

登劍閣望京華作

一上高臺首重回五雲何處是蓬萊帆隨雁影天邊去人共  
春光日下來淮甸煙消平似掌河流冰泮碧於苔翠華行幸  
應非遠佳氣氤氳繞上台

峽中題詠

峽裏江山總絕奇推篷不厭去帆遲重來恐忘經行處一處  
經行一處詩

靜樂軒

秋聲早已到梧桐露氣涼生湛碧空獨倚欄杆待明月紫簫  
吹散木樨風

乙籤卷六

六

陳繼一首

繼字嗣初吳人經歷汝言子以薦授五經博士領弘  
文館事進檢討有怡菴集十五卷

南濠詩話 鄉先生陳太史嗣初嘗云作詩必情與景  
會景與情合始可與言詩矣如芳草伴人還易老落  
花隨水亦東流此情與景合也雨中黃葉樹燈下白  
頭人此景與情合也  
姑蘇志 繼為人端恪其學經史百氏皆博考深究文  
章根義理謹體製嚴矩矱不肯苟率一時稱為作者  
馮仙湜圖繪寶鑑續纂陳嗣初以文章擅名翰林寫  
竹尤奇夏仲昭張士謙皆師事之

遠歸圖

杜宇一聲春盡楊花千里人歸半捲東風羅幕任教雙燕飛

謝縉 十四首

縉一作晉字孔昭吳人自號蘭庭生亦號深翠道人

### 有蘭庭集

姑蘇志謝晉號葵邱工畫山水重疊爛熳千幅不同尋丈之間不日而就亦能詩

無聲詩史孔昭善山水得其宥渺深意而構體密勢態各不同又善詩

田按孔昭畫流傳甚少詩特蘊藉在宋人中似陸游一派

### 題畫

逍遙西澗翁邂逅南垞客爲解杖頭瓢坐飲林下石微醉兩  
忘還秋山竟云夕

### 晚春用楊孟載韻

水淹榆莢半堆牆細雨生寒澗  
袷芳草欲迷樓外眼暮春  
應斷客邊腸風簾靜捲紫飛絮  
煙篆微銷過午香睡起不知

### 乙籤卷六

七

庭院晚陰高柳映斜陽

### 早春過望亭驛

遠墅清煙散綠蘋推篷起坐整  
烏巾野花開處多臨驛水鳥  
飛來似送人愁裏聽窮三日  
雨客邊吟到一分春今朝已有  
尋芳客來往東風陌上塵

### 丹徒灣暮泊

浦漱春潮去復回客舟風阻未  
能開半篷殘雪留寒在幾樹  
斜陽送晚來望遠心隨雲影  
度思家愁聽雁聲哀京師準擬  
明朝到先向江中酌一杯

### 秋日江村卽事有懷沈秀才

徑上菰蒲接渚田江村風景漸  
淒然西鄰夜靜聞春稻南浦



秋深罷采蓮，遷客暫歸。仍遠別野人多病，只高眠。明朝風雨重陽節，依舊孤吟向菊邊。

題芭蕉仕女圖

新涼未歇，扇弱質自先怯。芳思無人知，金風動蕉葉。

清陰谷

幽谷夏已深，槐柳陰初合。清晝落花風，禽聲自相答。

題輞川圖

本蘭柴近辛夷，鴉芳樹高高接。翠陰回首輞川裴，迤老不知誰與伴行吟。

北郭

小巷人家半掩扉，綠陰相映柳依依。莫言飛絮身無定，纔得

沾泥自不飛。

溪上晚步

一樹閒雲一逕苔，板橋南去草堂開。平生未了尋幽債，不爲

看山也自來。

題秋江待渡

鷗衝秋色去沙尾，人背夕陽歸渡頭。我亦有家湖水曲，便須乘興上扁舟。

春日寫懷

好懷無復似前時，一半春過尙未知。惟有白門橋下柳，見人憔悴也顰眉。

春思

東風吹雨正廉纖  
春色和雲壓四檐  
聽到鶯聲殘  
醉醒杏花  
香底坐鉤簾

題畫

楊柳人家白板扉  
蘋花開處水禽飛  
扁舟記得江鄉路  
蟹齋魚督對夕輝

趙迪 八首

迪字景哲懷安人自號白湖小隱有鳴秋集

國雅趙山人景哲與洽情真固是逸才如殘雨挂空江濛濛若千里暝色夕鳥前寒聲暮猿裏又飛花香度樓前映高柳涼生仗外峯此例佳甚徐勣鰲峯集鳴秋先生系出宋室林尚默爲序未嘗談及讀其寫懷詩有云衣冠有恨先王後家世應從南渡來則先生誠天水之裔第未攷何王之句則先讀鄭公望輓鳴秋詩有白湖小隱入雲間之句則先生又隱居白湖其子姓今未知誰是也

乙籤卷六

九

田按明初有二趙迪余既錄宜陽趙迪詩入甲籤景哲閩人詩格修整五言尤有遠韻善畫山水學米南畫記

鱗文臺集宴送馬自牧歸館

盍簪陟崇臺憑高豁千里  
清尊屬離人年光若流水  
浩浩江海心悠悠雲山意  
天空鳥影寒日落秋聲起  
對此渺予懷懸情自茲始

林塘幽趣

芳林晚更佳積水春仍綠  
沈沈碧若煙汎汎清如玉  
微茫輞川莊隱映山陰曲  
幽人獨去來涼月下修竹

禪岩夕照

空岩夕照來寒入野僧定  
歸鳥帶殘光連雲渡蘿逕  
禪房揜



暮山楓林起煙磬幽人獨去來凭軒足清聽

題雨竹

黃陵日已昏蕭瑟涼颺起殘雨挂空江溟濛若干里  
暝色夕鳥前寒聲暮猿裏應知葉上秋盡入湘潭水

南樓奇觀

樓居有仙客隱約白雲中當戶山光入鉤簾海色通  
江清螺女渡臺占越王宮風景今非昔憑高思不窮

過賈誼宅

故宅荒涼倚碧岑寒雲漠漠跡難尋書沈湘水情何極  
鵬賦長沙怨已深空館無人唳鳥到閒門有逕碧苔侵  
可憐前席今千載惟有清猿自嘯吟

乙籤卷六

十

白蓮花

素質盈盈粉未乾翠鈿漠漠露光殘湘靈環珮雲中降  
洛浦風神月下看玉管聲沈涼雨夕羽衣香度碧波寒  
遙思入社人千載吟對清秋獨倚欄

題山水

江上千峯紫翠浮松門苔徑映清流茅堂雨絕湘簾暝  
卧聽空山一夜秋

虞謙 三首

謙字伯益金壇人洪武中由太學生擢刑部郎出知  
杭州府永樂中召爲大理少卿進都察院左副都御  
史仁宗卽位改大理寺卿有玉雪齋稿



東里集伯益以詩名於時喜寫山川木石幽淡簡遠  
有倪雲林風致  
畫史會要謙家多蓄法書名畫公餘寫金錯刀竹  
畫聲詩史伯益畫竹石與夏太常齊名

過湖州苕溪驛

吳興山水窟公館一塵無雲氣來天目溪流入太湖蠶成供

歲用菱熟當秋租樓閣煙霞外猶堪入畫圖

丹霞真館

華陽山裏遊三日清氣逼人渾欲仙偶到丹霞亭子上抱琴

和月瀉松泉

會稽道中

茂林修竹映飛湍十里青山馬上看正是一年寒食候落花

吹雨不勝寒

乙籤卷六

陳登一首

登字思孝長樂人仲進子以薦為羅田縣丞改蘭溪

又改浮梁永樂初以能書居翰林擢中書舍人有石

田吟稿四卷

東里集永樂甲申詔吏部簡能書者儲翰林思孝以  
篆籀最先至時吳中陳用亨待詔翰林往折屈之視  
天下無愈已者且恃春秋高輕後進往往於屈之視  
人廣坐中思孝就用亨語之屢許叔重者十數事相  
辯難用亨乃始默然不復自矜時四明王尹實篆書  
擅名海內考據精博亦推思孝於六月書本原精  
考審度其出某代某石刻雖殘缺剝落於氏名無可  
文忠趙明誠之後所僅見朝廷大篇率出其手  
田按祝允明書述稱二陳壁傷矜局登略上之又謂  
程氏父子篆隸擅名斯業既鮮不得與西楊稱思孝考據精  
博原出思孝蓋皆不甚與之也西楊稱思孝考據精  
者揆據余檢福建通志錄閩人善述僅及思孝石田



香玉育吟稿四卷其他無聞是可深憾耳

送朱文岡還朔州

都門秋欲盡雨雪已霏霏顧我同為客憐君未授衣計程還湖漠歸思繞庭闈別去重回首長空一雁飛

馬軾一首

軾字敬瞻嘉定人欽天監刻漏博士

張日永吳中人物志馬軾精繪事與戴文進謝廷循同擅畫名於京師

奉饒季方先生

灤江江上水悠悠送客江邊莫上樓五嶺瘴高煙蔽日兩孤雲濕雨鳴秋豐城劍氣東南起合浦珠光晝夜浮祭罷鱷魚歸去晚刺桐花外月如鉤

乙籤卷六

士

劉鳳續吳錄馬軾以刻漏博士從征廣右讀書負氣工詩善畫天順初岳正左遷欽州親知無敢及門軾獨為詩送之其畫高古有法遂掩其人詩數馬軾者不知名而詩鈔載其送岳季方詩格特高華雄俊足為嘉隆前驅不可以名取也

陸顒一首

顒字伯瞻揚州興化人楚府伴讀闈第洪武中舉明經授禮部主事永樂初與修太祖實錄奉使朝鮮有

畫頤光集

畫史會要陸顒能畫人物

送別

芳草如煙驛路遙東風催別鳥聲嬌離人一去來何日不及

春江有定潮



金湜 二首

湜字本清鄞人正統辛酉舉人授中書舍人遷太僕

丞有皇華集

鉤勒竹尤妙  
雨上者舊集倪味易與金太僕交最深味易年八十

生而舉殯擬陶公自祭杜牧之志墓事懸像設奠延

慶寺為詩自挽羣公皆屬和太僕別舉竹題一詩相

寄曰先生舉殯吾為寫生其詩有別舉世稱高士闕

天合少微味易得之大喜其作達如此

田按本清歸田後與洪郎中常盧給事瑀嚴員外端

宗員外佑周布衣祐章布衣珍宋布衣恢張布衣襟

倪布衣光李布衣端鄒通判閻王布衣政周理閻頌

余寶周愷陳渭等十八人為高年社倪其事也社中

詩不盡可傳李杲堂所謂諸公皆解外膠略世事身

當太平之日從容吟唱良足誌也余擇其詩之雅令

者錄四人其有句可採者洪常宿方丈云花外雨腥

龍出鉢松間雲煖鶴歸巢周祐送人還滇南戊所云

楚江樹色經寒早巫峽猿聲向晚多李端送日本僧

歸國云已向檀林修白業更攜瓢史歷青山本清有

遊天童寺過中峯云滿地竹陰人迹少四檐花氣鳥

聲聞皆琅琅可誦

題竹

四明山下一綸巾把筆曾為竹寫真莫怪老夫輕自許湖州太守是前身

題延慶寺畫竹

一竿瀟灑玉玲瓏湘圃淇園在眼中過客莫嫌枝葉少纔多

枝葉便多風

甬上耆舊集太僕晚年常過湖南延慶寺為畫竹一  
紙懸諸寺壁後時過之輒題一絕積至十首及垂老  
復遊寺中見尚有紙素一方欣然命筆曰草堂南北  
路高低林下相逢日又西只為詩多不礙竹幾番題  
過又重題後遂不復過今此畫為好事家所得先輩  
人風良足愛重也



俞行之一首

行之字文輔清江人

水東日記清江俞行之永樂中有能詩盛名其題清慎警句曰夜門無客敢懷金秋屋有情甘飲水惜不

多見明書畫史俞行之善草書及章草俱工妙

題顧師顏西湖圖

秋來碧水湛平湖荷葉菱花取次枯惟有斷隄殘柳樹深煙

猶鎖亂嗚烏翻金石章草不賦經詩書畫詞素賦今日

秋水謝庭循一首園杏圖文韻藻謝庭循空翠亭子與謝庭循

聖人贊庭循名環以字行永嘉人永樂中供奉內廷宣德中

授錦衣千戶有夢吟堂集

東里續集謝庭循知學問喜賦詩善畫師張未起承樂初年召在近禁宣宗妙繪事供奉之臣特重庭循

乙籤卷六

西

恆侍左右畫史會要謝庭循山水宗荆浩關仝米芾

杏園雅集

聖人贊元化羣彥佐休治既睹斯民康更愜庶物遂良辰際

休沐逍遙縱嘉致園杏羅文錦庭柯織空翠君子興好懷觥

籌亂無次仰聽金石章俯飲不知醉託情寄簡素聊卽今日

事

田按杏園雅集事詳王直詩後

吳餘慶一首

餘慶字彥積宜黃人永樂中以薦除中書舍人

田按餘慶永樂中以善書薦評者謂其楷如美女簪花

樂靜集韋蘇州句贈謝庭循



端居無所爲尊酒遺形迹秋齋正蕭散悄然羣物寂雨餘山  
景寒雲澹水容夕高宇亦遐朗心神自安宅披襟始高詠卽  
事翫文墨物累誠可遣偶遊方自得悵然川光暝俯砌視歸  
翼

姚黻一首

黻字廷章嘉興人有可閒集

韓李詩繫姚黻能寫生山水水宗岳雪樵工詩與陳顯  
韓永倡和人以可閒先生稱之

過友陶舊宅次南野韻

蕭蕭茅屋冷溪濱晚歲孤松雪色新鄰笛不須哀日暮就中  
多是斷魂人

沈遇一首

乙籤卷六

五

遇字公濟號臞樵吳人

杜瓊東原遺集臞樵作水墨山水水師夏圭馬遠淺絳  
色史李唐深色則全藏趙伯駒皆能咄咄逼真  
畫史會要沈遇山水宗馬遠  
無聲詩史沈臞樵善畫山水其所居雅趣堂多列圖  
史衣冠古雅有晉唐風致與吳文定公實爲石友文  
定每得其畫必寶藏之其歿也文定有詩悼之云秣  
陵春色厚驅馳投老吳門白髮垂燈下解衣盤礴處  
山中持斧嘯歌時一貧比惠原非病三絕如虔不數  
癡落日高堂開障子雪峯煙樹使人悲沈石田云  
樵沈公以善畫山水人物名於宣德正統間嘗徵至  
京師比還學者益衆先君同齋處士寔常師之家世  
所藏雪輿臨乃先生得意之作暇日弄筆有竹莊偶得  
匹紙乘興一過極知唐突第予少常給事左耳頗  
知公用筆之意故亦不敢自讓恨先君不見左右頗  
田按公濟畫流傳者少余見王石谷畫本每綴臞樵  
雅趣四字印章其爲畫流傾慕如此

秋夜宿東白啟師方丈

竹屋滿秋庭蕭蕭涼氣早孤燈照跣趺高僧坐來曉風清鶴



夢醒雲淡鍾聲杳塵世永相忘心空眾緣了

杜瓊 二首

瓊字用嘉吳人自號鹿冠老人又號東原耕者門人  
私諡曰淵孝先生有東原遺集二卷

王鑿震澤集東原好為詩喜畫山水人物故其詩於  
評畫尤深

楊循吉吳中往哲記東原詞翰與人品俱重善畫層  
巒登嶂師董源

王穉登丹靚孝先生明經博學家貧道尊貞淡  
醕和粹然為山林之表畫亦迥麗

畫史會要鹿冠道人畫沈啟南父恒吉師之  
無聲詩史杜原畫效南唐董北苑元吉師明

珊瑚網杜東原題自畫山水云紛紛畫債未能償日  
日揮毫不下堂郭外有山閒自在也應憐我為人忙

東原得朱長文樂圃東偏地結亭聚石號曰東原故  
日郭外有山然云日日揮毫而所存者無幾余僅有

其立墓看梅圖做趙善長山水而稱曰李水墨高古推  
田按東原題畫詩云山水金碧稱

乙籤卷六

六

王維又云諸公盡行朝川派蓋謂宋元以來作家士  
氣皆備者必導源於朝川也可謂得畫宗旨又云友  
石隴樵真仙骨落筆自然超等夷葵邱爛漫文鼎潤  
獨醉獨數寒林枝蘇州寓意最深遠數月一幀非為  
遲考文鼎姓金號尚素生獨醉史公謹別號也蘇州  
姑蘇蘇復官蘇州守皆同時畫家也

題畫

陰雲翳喬松宿露栖芳草孤亭人不來春風自唬鳥

柯九思竹

奎章閣下職綸思猶有餘閒埽鳳枝明日江南歸去後杏花

春雨箇生時

沈貞吉

三首吳人自號鹿冠老人又號東原耕者門人

貞吉名貞以字行號南齋長洲人

吳中往哲記沈氏二先生曰貞吉曰恒吉相城故家  
皆工唐律兼善繪事每賦一詩營一障必累月閱歲



乃出不可以錢帛購取故尤以少得重家庭之間自  
相唱酬下至僕隸悉諸文墨並年八十餘  
丹青沈貞吉恆吉二處士並善丹青風格明秀廬  
簾相映時謂趙文敏同流恆吉之畫師杜微君夔  
清河書畫舫貞吉畫師董源可亞劉廷美其弟恆吉  
更虛和瀟灑不在宋元諸賢下第其遺迹絕少故不  
爲世所知

### 九月桃花圖

花發年年二三月今年九月見芳英一枝借得春消息莫道  
東風不世情

### 題畫

錦帆涇上千年寺水殿雲廊半不存只有老僧明月下立當  
清影夜敲門

春山題畫贈沈暉樵先生

### 乙籤卷六

七

春山如黛柳如煙  
畫樓臺小洞天容得踏雲雙短屐  
碧桃花裏訪臞仙

### 沈恆吉一首

恆吉名恆以字行號同齋貞吉弟

### 題劉完菴畫

十載天涯作宦遊  
黃塵飛滿紫貂裘  
歸來不歎長途險  
猶寫

### 關山萬里秋

田按完菴此圖著錄卞氏式古堂書畫彙考及安氏  
墨緣彙觀題曰清白軒圖完菴自題云戊辰孟夏朔  
日西田上人持酒肴過余清白軒中相與燕樂悅若  
致身埃壘之外酒闌上人乞詩畫爲別遂援筆成此  
以歸之先得詩者座客薛君時用也別有沈孟淵馮  
簾薛英及同齋四詩乾隆中安氏書畫盡入丙府  
此圖與焉



劉珏一首

珏字廷美長洲人正統戊午舉人除刑部主事遷山

西按察使事有完菴集

萬圃雜記吾鄉劉廷美命憲薄於仕宦雅愛作詩京師稱為劉八句年方五十即乞致仕成化初瑤臺刑公有為郡守以梅華求題廷美賦絕句云歲寒相見在天涯玉色珠光帶露華笑殺元都狂道士桃花何不種梅花刑公得詩甚喜後刑公以郡中邊土桃花何起稅民心頗怨有以舊詩刺之曰量沙邊久荒波蕩只留滄海與青天漁舟若過聞洲渚為報沙鷗莫浪眠刑公聞之以為廷美所作大怨或勸往白廷美曰彼奈我何後廷美之卒刑公弔祭皆不往人多非之此詩蓋宋人刺賈似道者刑公不察也

蘇材小纂劉廷美畫山水煙嵐草樹懸渺幽迥有董巨餘意  
丹青志念憲劉公寫山水泉深石亂木秀雲生繚密幽媚風流靄然高者攀鱗巨老庶乎升堂特未入室  
六硯齋筆記劉完菴以參藩致政家居葺園寄傲做

乙籤卷六

大

唐盧鴻一草堂圖自為繪冊十幅曰籠鵝閣斜月廊四禪娟堂螺龕玉局齋嘯臺扶桑亭衆香樓繡鉞堂旃檀室各系以詩沈石田亦題長句  
清河書畫册彭年云完菴先生以文章風節名天下其詞翰畫筆尤為吳中諸賢致政歸時日與徐武功韓襄毅祝侗軒沈石田所集遊每集多聯句而先生為之圖其胸中邱壑已自奇絕故見之筆底者莫不臻妙  
田按完菴畫流傳甚少余得一小幅乃贈聆齋者沈石田題云溪山錯認漢東西茆屋人家竹樹齋不獨米翁能拜石我於遺墨便頭低畫蹟水墨淹潤山頭似梅花道人圍亭竹樹類雲林石田題字摹黃雙井而秀潤可挹不似慢作枯勁者此畫曾著錄下氏式古堂書畫考

題贈僧西田畫

水閣焚香對遠公萬緣都向酒邊空清溪日暮遙相望一片

閒雲碧樹東



明詩紀事

山優高嶽青冥幽澗澗綠益幽森會極即簪履

貴陽陳 田輯

乙籤

梁潛 二十三首

潛字用之泰和人洪武丙子舉人授蒼溪訓導以薦

遷四會知縣改陽江陽春永樂初召修太祖實錄擢

修撰兼右春坊右贊善再遷侍讀中讒死有泊菴文

集十六卷詩鈔一卷

四庫總目潛文格清雋而兼有縱橫浩瀚之氣在明初

可自成一隊此泊菴集十六卷有文無詩集未有康

熙辛酉潛裔孫天清續刻家集小引云泊菴公詩集

東里集用之為文章馳騁司馬子長韓退之蘇子瞻

亦間出莊騷為奇務去陳言出新意古詩高處逼晉

宋五七言近體詩皆可傳

抑菴集梁先生文如江河之流汪洋衍迤一與風遇

則波瀾勃興魚龍百怪出沒隱見可喜可愕真當代

之傑作

田按用之五言選體為多近體有唐人格律而時參

宋派永樂詩家最為傑出詩集鮮傳錢牧齋朱竹垞

皆未見故所錄寥寥余所獲泊菴詩鈔乃用之前孫

廉嘉靖中刻於辰州者用藥水瓊芽詩序云曾在

揭學士稱灤水不及采而嘗之詩云每憶京臺事佳還聞

北京時不及采而嘗之詩云每憶京臺事佳還聞

蟠龍山

壯哉蟠龍山勢高凌青冥嵯峨控梁益幽森會神明稍見雪

我輩添一

者在在皆是儻撥芽而烹之為芍藥增一故實亦為



山白還望陽臺青清湍落危澗散作萬壑霆平生尋柯懷奔  
馳忽伶俜

暖翠軒

層軒亦何幽岩巖暖蒼翠前楹植松篁方池羅菱芰透迤出  
叢薄升高曠退視丹崖絢晨曦碧澗凝顛氣遙遙睇雙鶴九  
皋聞清唳何時始投簪相與暢幽意

送劉源澄

去年幽并行今年幽并行問君亦何爲歲歲入幽并幽并古  
名都山河壯王城聖皇今龍飛崇朝邊境清登彼黃金臺浩  
歌壺自傾臺下飛雪滿臺上春風生富貴何所望壯遊暢其  
情安得復局促閉戶秋蟲聲

昔出

乙籤卷七

二

昔出今早還今還心獨苦慘慘中腸悲哀淚如雨反哺事  
中乖萬鍾今何補重重雲中山一一來時路仰見慈烏翔不  
知白日暮誰能當此痛大江浩東注

清風亭偶題

危構鬱岩巖下俯千仞湍清波既泓澄層峯亦上干玲瓏繡  
戶開窈窕曲檻連丹崖絢晨景碧澗鳴芳泉時還鼓輕舫擊  
楫沂迴瀾微茫桃花源燦爛芙蓉灣擷芳掇薜杜結以蕙與  
蘭蒼翠襲衣袂餘香復纏緜既與幽人偕或隨漁父還安得  
謝塵鞅相與終盤桓

夜次滄州分韻得光字



水淨月華冷露白秋風涼擊楫凌空宇渺然遡流光斗柄已  
西揭鴻雁亦南翔笳管澈中夜遊子心慨慷冉冉歲華邁忽  
忽鬢已蒼幸此斟酌同清賞安可忘

題趙文敏墨蘭

雲疑湘浦寒露下衡泉晚願言結紫蕤拂袂秋香淺佳人鬢  
彩鸞九招不復返爲爾重多情極目吳天遠

春日詞

楊柳鶯黃春短短葡萄鴨綠銀鉸煖羅幃似有春風開如此  
良辰郎不來

漁父辭劍圖爲胡學士題

日落昭關暮煙紫東望吳中一千里江濤怒湧如雪山我無

乙籤卷七

三

羽翼高飛難感君意氣一回顧度卻洪濤心更苦腰間寶劍  
能言語解贈向君肝膽露丈夫相遇心相知傾情倒意何所  
疑窮途倉皇足悲慨此去道途猶險巖水有蛟龍山有虎知  
爾千愁復萬慮還君寶劍慎周防荆門路斷魂茫茫

賦馬臺

朔風獵獵塵沙起塞草茫茫幾千里西楚無人識霸王空有  
高臺臨泗水想當西被秦兵時諸侯膝行不敢窺萬金寶劍  
赤如電麒麟錦帶懸青絲日光鱗鱗射銀甲赤驃烏騅相雜  
逕帳中美人白玉璫轅門壯士紅錦帕此時歡樂登高臺一  
覽四方何壯哉三秦自可塞漢路咸陽氣色如冷灰豈知漢  
兵能楚歌八千子弟竟蹉跎芒碭王氣成五彩玉斗撞破當



奈何

過漢州

試問鄆筒酒荒城是漢州野屯低草屋江水散渠流黑壤偏  
宜秣黃蘆不奈秋共言王國近未敢暫淹留

閏八月十六日以進香發蒼溪

栗里新谷王官谷

秋色蒼溪淨舟移別浦幽人情緣久住客路暫堪愁別鶴思  
華表歸鴻想故儔五臺回望處猶自擬重遊

空宿南充

去年游金華城別賦前日風雷吳拙手

舟人相報語宿處是南充小豆繁秋實歸鴉護晚叢江流通  
閩水村酒勝鄆筒明日應無雨灘聲十里中

過桂圍東澄心諸友

乙籤卷七

四

躡屐衝山霧褰裳拂澗霓猶因餘興在稍覺宦情迷晴麝眠  
芳谷寒鱗躍錦溪甯辭山路遠騎馬已雞棲

和汝器修撰病中見贈

空庭寒景短過午樹陰偏旅況如前日風情異壯年斷雲歸  
遠岫去鳥入空煙暫此閒中趣誰令客浪傳

題環秀山房

聞說幽居好青山四面看遠村如栗里深谷擬王官芍藥開  
新隄芙蓉滿舊灣水聲晴作雨嵐氣夏生寒傍澗還栽竹開  
畦更藝蘭池荷堪製佩圓籜可裁冠載酒邀人飲携琴掃石  
彈閒情長自遣世慮不相干鶴唳青邱外猿嘯綠樹端何由  
過玉笥清論罄交歡



舟中偶成憶孟潔

南北東西不暫停此身飄蕩似浮萍  
吟殘細雨春愁盡嘓殺幽禽午夢醒  
岷雪未消江最綠巫雲初散樹偏青  
當時別易今難會望斷長亭復短亭

巴東

幾處人家絕似狙倚空架屋火新畬  
峽中夜靜天無月灘口春深食有魚  
雨散陽臺神女廟烏嘓東瀼榜人居  
舟頭伐鼓東風急坐矚奇峯翠滿裾

寫興

繞澗幽蘭紫蒂芳隔牆佳樹上春陽  
不辭老子遭花惱政恐南隣笑客狂  
曳履放歌忘草澤濡毫題字愛篋管  
回看佳氣

乙籤卷七

五

東南近蜀棧如何路更長

留重慶

地分巴蜀劃乾坤石作層城倚塞雲  
山勢如龍通楚道江流噴雪下荆門  
綠槐舊驛嘶驄馬紅葉懸崖嘯暮猿  
久客倦吟謀盡醉提壺沾酒過黃昏

畦居閒題

菜圃斜通石徑柳塘淺築沙隄漁唱  
有時門外鶯聲只在林

西

宿長壽

雨晴石坂不生塵地煖山青豈似春  
蕩漿小娃收晚釣封羊蜀客賽江神



風集芳園

海榴五月未開花  
紫澗幽蘭淺放芽  
老子閒敲棋局罷  
看見噴水洗雛鴉

梁混一首

混字本之潛弟  
洪武末爲瑞州訓導  
遷深陽教諭  
改爲潛  
兩納溪永樂中辟蜀府紀善  
有坦菴集八卷  
送來歸人  
思堂

羈禽戀蓬蒿  
離人夢鄉閭  
引睇西北雲  
中心增鬱紆  
桑梓日以遠  
歲月日以徂  
顧茲在萬里  
能不懷歸歟  
邛壠莽沙草  
況復春露濡  
筋力老且衰  
鬢髮日已疏  
所幸羈旅間  
而與骨肉俱  
投簪苟云遂  
回轂良易驅  
母用徒自傷  
加餐保君軀

乙籤卷七

六

李孝謙一首

孝謙名本以字行  
鄞人有長林集

田按孝謙與弟悌謙爭代父役忠謙代父戍邊竟死可謂孝友一門兄弟均能詩情忠謙詩不傳

山居爲柯定安賦

四面青山障俗氛  
數家雞犬自相聞  
茆檐低礙巖前石  
木榻高栖雨後雲  
晚徑樵歸憑鹿引  
秋林果熟與猿分  
從來懶入桃源市  
自釀松花日半曛

李悌謙一首

悌謙孝謙弟

夏日雨中

風雨蕭蕭水滿村  
迴無人迹過柴門  
重來海燕經年客  
漸長

新篁幾世孫已分生涯甘淡泊卻憐交友絕寒暄白鷗日日  
江頭見心事相忘不復論

林環一首

環字崇璧莆田人永樂丙戌第一人及第授翰林修  
撰遷侍講有綱齋集十三卷

題萬竿煙雨圖

濕雲凝煙吹不起寒影半沈湘江水湘妃瑤瑟悲夜長散作  
雨聲蒼茫裏杜鵑怨春春始歸新妝翠袖嗁娥眉愁魂飛去  
人不知鸞珮墜地搖參差披圖卻憶長相思扁舟落日零陵  
祠

林珪一首

乙籤卷七

七

珪字崇信環弟永樂中薦授泉州教授有韋軒集  
拂袖

拂袖賦還山山深足幽趣危磴瀉寒流秋聲度高樹境曠絕  
行蹤白雲自來去

鄭關三首

關字公啟閩人有石室遺音

田按公啟公望兄弟皆能  
詩見曹石倉歷代詩選

山行有感

北邙多舊墓苔石侵枯骨借問葬者誰云是李與霍英名邁  
千古此際何汨沒一日掩泉肩萬事從此歇人生天地間百  
歲猶倉卒誰能免于斯多謀信爲拙



題南湖別業壁  
風簾漸卷  
露閣新涼  
去即良又轉  
家住南湖湖水曲依稀好似剡溪頭  
黃蘆葉暝常知雨苦竹叢深畏及秋  
月下漁樵煙際返夜深星斗鏡中浮  
莫嫌僻處多蕭瑟野性時時好狎鷗

送周又立

伯勞飛燕苦西東  
載酒看雲幾日同  
別後相思君識否  
斷腸多在雨聲中

鄭閣一首

人去舊閣字公望  
關弟永樂壬辰進士授安陸州學正  
改無  
白隱小爲州終廣信教諭有抑齋集

閱畫記鄭閣能詩善畫

乙籤卷七

八

挽鳴秋山人

白湖小隱入雲間  
憶絕心知淚自潛  
花徑鳥歸春自好  
衡門人去晝常闕  
新詩空有澄江句  
問字惟因載酒還  
舊業荒涼偏可恨  
蕭蕭煙雨閉秋山

鄭瑛二首

瑛字希晦閩人永樂乙未進士授樂會訓導有弦齋

文集

秋夜泛舟

皎皎秋月明  
颯颯寒蘆短  
孤舟人未眠  
霜花撲窗滿

數頃煙波淼淼半窗風  
荻蕭蕭釣罷棹謳歸去明月又轉溪

橋

鄭瑤 一首

星北日瑤字希玉瑤弟永樂乙未進士選庶吉士授刑部主

事出知甯波府有訥菴雞肋三集

江南曲

偶逢故鄉人寄書故鄉去妾家在橫塘門前兩株樹

李孟瑤 一首

孟瑤名均以字行海鹽人以薦歷嘉興汝甯訓導有

南莊集

金碧山水

雨餘山色煖如春人掩柴門過夕曛江上圖書和月載山中

乙籤卷七

九

雞犬隔雲聞東風瑤草香初滿流水桃花路不分此處仙家

渾不遠底須騎鶴訪茅君

李季衡 一首

季衡名平以字行孟瑤弟有西溪集

凌歊臺

凌歊臺高壯南國突兀干雲天咫尺晶簾半捲曉風寒雕闌

倒映秋江碧臺邊軋軋金輿來盈盈二八花顏開英雄一去

不復返蕙殘棟委俱塵埃蜀山雪消清似洗岷江西來幾千

里此日豪華安在哉唯聞嗚咽臺前水

王誼 四首

誼字內敬紹興山陰人宣德初待詔翰林有鑑止集



田按內敬以事謫戍遼陽弟懌賦隔谷歌云兄羈囚弟露宿兄弟本連枝誰令隔山谷兄受饑寒日困辱弟欲救之力不足力不足可奈何願作高飛鴻街之出網羅哀惻動人彌臻鶴鶴之歎內敬五言格意俱高

古風 二首

妾家東城隅高門瞰中達玲瓏結綺疏參差雕玉題旭日麗芳藻光風泛羅帷春花媚妍質徘徊處中閨調絃拂織指哀響流輕颺聲悲節自促曲度雲行遲悵望知音遠華容非故時

崔峩會稽山東截海濤碧松柏無冬春千歲淪琥珀中有煉藥土丹砂固精魄要我與之俱遨遊入無極奮衣欲過征浩蕩雲海隔悠悠紫霞想未遂諧宿昔皓首乖願言臨風起悽

乙籤卷七

十

惻

秋日懷孟熙先生

倏忽成遠別幽棲仍薜蘿草芳經雨歇蟲響入秋多夜月柯亭市涼風鏡水波相期盡一醉何日更來過

采蓮曲

郎騎紅叱撥妾上木蘭舟不及鴛鴦鳥雙飛共白頭

王懌 二首

懌字內悅誼弟正統初官溧水知縣有娛清集

田按山陰二王並以詩鳴內悅詩較麗密

石城曉

城角曉鳴鳴城西月痕墮城中春思慵楚夢薰蘭火玲瓏金



馬門玉珮聲瓊瑣紅日壓宮垣萬花眠貼妥

段七孃

度曲千金賤凝粧一面紅聲迷銅雀妓豔奪館娃僮白雪飄  
朱閣香塵散綺櫳淚前司馬袖腸斷使君驄秋水涵瞳潤春  
山入黛濃弄簫驚紫鳳拂軫怨離鴻鏡展金鸞月釵橫玉燕  
風謝孃收鈿匣嬴女掩香筒石竹簪芳髻芙蓉隱繡幃燈然  
珠樹側人醉錦蓮中粲粲星輝戶微微露洗空幾年憐宋玉  
今夕遇韓馮密意蜂攢蕊芳心蝶戀藜春牋封荳蔻羅帶縮  
萋萋步障重拋錦門鋪疊綴銅曲闌裝翡翠高樹噪花蟲鶯  
睡煙濛柳烏棲月浸桐銀觥休整落瓊箭起丁東客散歌席  
冷香昏睡閣融日高春夢覺嬌頰散花纓

乙籤卷七

十一

春香送人之京日高春夢覺嬌頰散花纓

獨上水邊橈離顏酒半銷城頭三鼓近煙際一燈遙海色將  
沈月沙痕正落潮未能追逸翮回首歧層霄

陳叔剛一首

叔剛名振以字行閩人永樂辛丑進士授主事改翰  
林侍講有絢齋集

山人題心遠亭

請峯鳳峙等松嶺高設吳金鸞月燈對玉海

幽興在南山何須遠城郭閉目謝喧囂冥心寄寥廓機忘沙  
上鷗趣愜松間鶴亦有柴桑人來同林下酌

陳叔紹一首

叔紹名振以字行叔剛弟正統乙丑進士除御史擢



湖廣按察副使有毅齋集

丹陽湖

積水涵太虛一望何瀾瀾風瀾漾輕縠霞光映文綺遙山鳥  
外橫孤棹沙邊樣漁家夜語聲深在蘆花裏

陳仲完一首

仲完名完以字行長樂人知縣伯康弟見甲洪武

進士授延平訓導改甯國永樂初用薦擢翰林編

修進贊善有簡齋迂稿

田按仲完與兄伯康俱以詩名伯康卒於洪武中詩見甲籤仲完永樂初用薦為編修進贊善侍仁宗東宮以清實稱仁宗登極先一年卒居贊善二十年不徙官楊文貞為傳甚惜之仲完與蘇州陳完同名選家錄詩互有參錯辨見後

乙籤卷七

十一

賦得空江秋笛贈鄭浮邱助教

大江白露下秋氣橫中流儻然一笛響遠自江上舟洲前向  
晚霽涼雨三弄分明作人語思逐飛鴻海上來聲隨白鳥雲  
邊去須臾引羽轉清商蘆葉城城蒹葭黃鷺回少婦孤篷夢  
攪斷羈人萬里腸駐宮又復變流徵銀河澹澹天如洗猿鶴  
秋吟絕島雲蛟龍夜吼寒潭水祇今誰識桓伊心悠悠人世  
無知音曲終徙倚重回首落月蒼茫煙靄深

陳寬二首

寬字孟賢吳人檢討繼子

姑蘇志孟賢詩新麗和平頗得唐法續吳光賢讚孟賢鑄詞深苦命篇甚遲而工有姬辨慧知書孟賢所為皆能誦之時謂女書記



題沈恒吉畫扇

紅樹丹山領去舟，蘋花香老不勝秋。滄江風月誰人管，且向

前汀問白鷗。

訪包山徐德彰

青山湖上是君家，有約來看巨勝花。踏破白雲秋一片，不知

還隔幾重霞。

陳完一首

完字孟英寬弟

田接閩人陳仲完有簡齋迂稿見福建通志晉安風雅仲安錢塘懷古一律列朝詩集明詩綜錄作孟英詩古人一詩互見兩集原有此例不足怪也至孟英詩集余徧考吳人著述無有能舉孟英集名者詩綜云孟英有簡齋稿豈集名亦堪假借耶斯不可解矣孟英佳句如留客小鶯偏恰恰可人飛蝶故雙雙烏

乙籤卷七

三

紗別製籠頭帽白苧新裁稱體衣鶯捎飛蝶穿花去水學驚蛇抱石流柔橈嘔啞移畫舫輕雷輾轉走香車亦楊孟載一輩人也

和徐德彰春日雜咏

蹀躞青驄款款騎，淺村深巷柳如絲。土牆茅草低低屋，竹逕柴門短短籬。細雨一簾飛燕子，香風十里醉花枝。館娃溪上春如海，時有人歌白紵詞。

唐庠二首

庠字惟周湖州人

田按吳興二唐以詩名絕句殊有風致

題仲穆竹

湖州總管趙王孫，玉潤冰清似此君。拈出鳳梢三五葉，白鷗



波上埽秋雲

小景

落日青山凝紫煙秋風殘葉雁來天五湖多少琉璃水處處  
堪留載鶴船

唐廣一首

廣字惟勤庠弟

田按惟勤自號半隱朱存理爲作唐半隱小傳亦風雅才也惜詩不多見

戲贈張伯仁陳邦器

白下橋邊楊柳枝新黃嫩綠正當時重來折入尋春手不比  
樊川去較遲

徐章一首

乙籤卷七

古

章字德彰吳人

田按德彰與陳孟賢兄弟唱和稱爲好事詩亦清穩

與陳未菴施堯卿秋夜話舊

空江煙雨送秋歸黃葉蕭蕭獨雁飛新接笑談三宿共舊遊  
心事十年遠燈因坐久花頻落酒爲寒多力漸微明發不堪  
回首望別情吟思共依依

徐震一首

震字德重章弟

震澤集德重少從陳太史嗣初學詩有弔項羽廟睢陽懷古輓岳武穆諸詩傳播人口

田按列朝詩集稱德重名列景泰十子余檢明史藝文志云劉溥與蔣主忠王貞慶晏鐸蘇平蘇正湯胤績王淮沈愚鄒亮稱景泰十子無德重名蓋傳聞異詞也



包山寺

屋下清泉屋上山  
薜蘿深處扣禪關  
尋僧欲問三生話  
策杖來偷半日閒  
雁沒浦雲秋色外  
鶴歸庭樹夕陽間  
人生爲惜歡遊少  
石壁題詩紀往還

蔣主孝 四首

主孝字務本儀真人徙句容有樵林摘藁

筆精淮南蔣主孝自號樵林居士諸家選詩皆不及焉有五王擊毬圖云毬門高結春如海紫袖垂垂翦雙彩薛王力倦宋王來興慶宮前花正開侍兒弄笛申王醉更有岐王擁花睡春風不動草如鋪兄弟相隨入畫圖黃門擁入五花帳官奴謾草花如唱博山火焚水沈香富貴從來自天降遲遲春日下龍樓花萼連輝雨氣浮大被漸寒歌管歇三郎別領阿環遊較元張思廉亦伯仲間也

乙籤卷七

七

詩名景泰間主忠名列十子詩別見

居燕旅情

不上黃金臺  
早歌歸去來  
平沙無草木  
短褐有塵埃  
故里愁言別  
明時敢論才  
燈前一舞劍  
豪氣轉成哀

寒食夜

細柳垂秦苑  
棠梨出漢宮  
可憐寒食夜  
空自怨春風

春行

江閣雲籠樹  
溪流花相逢  
浣紗女不敢問  
誰家

春俠祠

金鞍赤馬紫羅袍  
錦囊銀棚插佩刀  
不道黃鸞解人意  
隔花

偷啄白櫻桃



乙籤

曾棨 七首

棨字子啟吉安永豐人永樂甲申以第一人及第授

翰林修撰歷侍講侍讀學士左春坊大學士進詹事

府少詹事卒贈禮部侍郎諡襄敏有集睫集十卷

詩數宣廟好文海內和豫雖大手希聞而名流錯出  
若曾子啟劉孟熙張靜之李昌祺及閩中諸王輩皆  
浸潤明風解脫元習然才俱不甚宏鉅非國初比  
東里集太宗皇帝龍飛第一科進士中簡明秀通敏  
香二十八人就文淵閣盡出中秘書俾進所業朝暮  
大官供膳月給內帑紗為膏火費蓋期之於古人曾  
君子棨其首也後有薦文士於上者必問得如曾棨  
否子啟為文章如源泉混厚沛然奔放一瀉千里又

乙籤卷八

如園林得春羣芳奮發組繡爛然可翫悅賦詠之  
體必律唐人興之所至筆不停揮狀寫之工極其天  
趣他人不足已嘗有餘工書法草書雄放有晉人風  
致自解大紳胡光大後獨步當世  
抑菴集曾公為文思發如湧泉大篇短章各極其趣  
詩詞尤雄放清麗出入盛唐諸大家精於草書筆勢  
縱逸若秋隼奮揚天驥決驟不可追躡  
殿閣詞林記洪武永樂洪熙宣德四朝近侍官輪班  
奇胡儼王英王直輩嘗有內直倡和詩曾桑東華門  
丙新館初成入直有作云東華樓觀鬱岩巖高閣新  
成抗碧霄祕府圖書金作匱御溝流水玉為橋草分  
碧色承殿輜鳥弄歌聲日舜韶當直幾番清坐久隔  
簾時有御香飄蓋當時車駕常臨幸館閣故也  
國雅曾少詹該博逸蕩其才長於七言古遂切直健  
捷為工頗以繁靡為累故承成間多效其體先輩于  
肅穆楊文貞諸公互相尚亦一時藝林風氣使然  
也其行路難燉煌二作頗不失唐家聲  
藝苑卮言曾子棨如封節度募兵東征鮮華雜沓精  
騎殊少上嘗召試天馬歌援筆立就佳之賜寶帶又  
因醉遣火延燒民居上弗罪也後病卒且氣絕呼酒



飲至醉題曰宮簷非小六十非天我以為多人以為  
少易篋蓋棺此外何求白雪南山樂哉斯邱  
明詩選陳卧子曰學士詩如南金在握未入丹鼎又  
如金羈玉勒微有蹄齒之恨  
田按洪武中選舉人張唯等肄業文華堂永樂二年  
選進士為庶吉士百有十一人又選二十五人合為  
甲三人進學文淵閣世見蓋洪武時所選者僅河  
多肄業文華堂者無甚表見蓋洪武時所選者僅河  
南山東二省永豐會樂時則合天下之士而精其選也二  
十八人者永豐會樂時則合天下之士而精其選也二  
欽泰和楊相王直余蘄盧余鼎豐城能直永彰汝器李  
時勉甯海章棧星子盧瀚余鼎豐城能直永彰汝器李  
海甯沈升餘姚柴廣敬金谿王英懷安洪順武進段  
民江甯楊勉會稽章敬晉江倪惟哲慈谿陳敬宗衡  
山袁添祿開化吾紳子啟及東子啟未第時見賞於  
世北祭酒李時勉其表表也子啟未第時見賞於  
解大紳為作蓮竹堂記其文章爛漫亦頗似大紳不  
甚持擇故遭讒議然論才人於永樂時終為軼羣之  
也

陳員外奉使西域周寺副席中道別長句

乙籤卷八

二

漢家郎官頭未白扈從初為兩京客忽逢天邊五色書萬里  
翩翩向西域腰間寶劍七星文遼旌大旆何續紛解鞍夜臥  
營中月攬轡朝看隴上雲黃沙斷磧千迴轉玉關漸近長安  
遠輪臺霜重角聲寒蒲海風高弓力輒茲行騎從歷諸蕃瓊  
帳依微絕漠間殘煙古樹羌夷聚遠穴荒原獵騎還蕃酋出  
迎通漢語穹廬葡萄酒如乳舞女爭呈于闐粧歌辭盡協龜  
茲譜當筵半醉看吳鉤上馬便著錦貂裘山川遙認月支窟  
部落能知博望侯草上風沙亂驂厝邊頭日暮悲笳咽行窮  
天盡始回轅坐對雪深還仗節歸來雜遝宛馬羣立談可以  
收奇勳卻笑古來征戰苦邊人空說李將軍

田按陳員外名誠字子魯吉水人永樂十一年西域  
哈烈諸國來貢京師及歸帝命誠及戶部主事李暹



指揮金哈藍伯偕其首李達送之執齋璽書文綺紗  
羅布帛之外王希範詩云劍珮翩翩出京朝威關秋詩  
子啟戎衣輪臺雪滿蓬人少蒲海霜空見雁稀蕃部牛  
照沙際沒羌民煙火積中微旆西征逸氣雄風馬關春  
葡萄首落紫歸胡若思詩云旌旆馬晨嘶瀚海風黃沙  
古蹟行行見白駝寒雲處處同莫言萬國崑崙外總  
在皇仁覆育中十二年誠等還哈烈諸國復遣使借  
來貢文豹西馬及他方物誠因進所作西域行程記  
紀山川之險易人民之多寡土壤之不同肥瘠之饒  
乏與其飲食衣服言語好尚之不同誠齋書幣報之  
誠郎中明年諸國再貢及還帝復命誠齋幣入神  
京拜命重白萬里行遠路壺漿還出候伊卻憶漢  
勞戰伐道傍空築受降城玉關迢遞塞雲黃西陲流  
沙道路長山繞高昌遺碣在草遮姑默廢城荒閑聽  
羌笛多乘月暗捲戎衣半帶霜不用殷勤通譯語相  
逢總是舊蕃王重宣恩詔向窮邊蕃落依稀似昔年  
月驛曩晨嘶首落煙百寶嵌刀珠飾靴部人知是漢

乙籤卷八

三

張騫王行儉送陳郎中子魯再使西域詩云翩翩旌  
旆出皇州瀚海崑崙是昔遊塞外風雲隨使節天涯  
霜雪傲征裘還家不語水亦東流周恂如送陳郎中  
見番夷歸聖德自西人好文仍學武早歲出身事郎  
重使西域詔直玉堂分陝還聞佐藩府前年復拜漢  
駢筆會經天詔向邊方辭家不作兒女態上馬當憂  
郎遠傳天曉出蕭關北莽莽黃雲望空磧錦帳迎風  
路長驅車曉出蕭關北莽莽黃雲望空磧錦帳迎風  
夜宿遲朱旆捲空軍行疾揚鞭迢遞過煙火稀蹄多  
因水草移樓煩城郭居人少鐵勒沙場吹火稀蹄多  
龍節經諸國橫行直欲向西極畫角寒吹火稀蹄多  
鉤醉拂霜花白番王幸覩漢儀型壇裘夾道多歡聲  
拜迎不但設供帳職貢還隨朝玉京五色俊視日光  
恩寵粉署遷官月未餘乘輅又復出玉墀天山遙憶  
經行處番部重迎使者車薊城官舍春開宴金樽綠  
酒歡相餞英雄漫說李將軍意氣甯慚班定遠問君  
此去來何時辛勤三載計還期半酣笳鼓發征騎旌  
旆悠悠空爾思又有周  
孟簡錢習禮詩見後

題王學士所藏王孟端老檜蒼崖圖



王郎工畫妙入神平生強項世所嗔有時興至自盤礴睥睨  
已喜旁無人忽然放筆作古檜白日煙雲倏冥晦淋漓盡帶  
雷雨垂慘淡長疑鬼神會古藤纏絡枝相繆屈鐵磊砢騰蛟  
虬左挈右攬飛不去崖石欲裂山精愁王郎一生何不遇五  
十得官嗟已暮胸中時吐氣崢嶸半落蒼崖化爲樹知君愛  
此長蕭森藏之願比雙南金秋來恐有乘槎客泛入天河無  
處尋

龍支行 有序

唐穆宗時遣大理卿劉文鼎出使吐蕃道成紀武川  
以至龍支城耆老千人拜且泣問天子安否言頃從  
軍戰敗於此今子孫未忘唐服朝廷尙念之乎兵何

乙籤卷八

四

日來言已皆嗚咽密聞之豐州之人也

龍支城頭暮吹角黃雲蔽天沙草薄虎髯使者長安來特麾  
擁蓋邊塵開城門盡是胡兵守城外老人多白首拜迎者  
雙淚流問云天子今安否自言家世豐州住少小辭家隸軍  
戍吐蕃連日犯蕭關胡騎長驅涇隴間將軍戰敗鼓聲絕棄  
戈遺鏃填丘山自從陷沒身爲虜五十年來在邊土依棲部  
落作蕃人生長兒孫盡胡語朝看烽火望中原夜聽鳴笳憶  
故園頽垣敗屋誰家宅斷磧荒蹊何處村奉使還時報天子  
早遣官軍復清水假令年老身歸死已免遊魂作胡鬼

海子橋

鯨海遙通一水長滄波深處石爲梁平鋪碧甃連馳道倒瀉



銀河入苑牆晴綠乍添垂柳色春流時泛落花香微茫迴隔  
蓬萊島不放飛塵入建章

送彭巡檢子韶赴閩

送君南去片帆歸五月薰風白紵衣路繞閩山征騎遠月明  
蠻徼邏兵稀枕櫺綠暗經殘雨荔子紅垂映落輝小弟衫關  
煩寄語客心長伴鵝鴿飛

曉渡章江

日落西山欲曙天渡頭人語古城邊鐘聲杳靄臨江戍帆影  
參差隔浦船幾處蘼蕪深夕露萬家楊柳暉晴煙年年過客  
頻來往誰復東流嘆逝川

揚州

乙籤卷八

五

翠裙紅燭坐調笙一曲嬌歌萬種情二十四橋春水綠蘭橈  
隨處傍花行

周述二首

述字崇述吉水人永樂甲申以第二人及第授翰林

編修進諭德再遷左庶子有東墅集六卷

四庫總目述及第時與從弟孟簡同榜成祖至比之二  
蘇史亦稱其文章雅贍然其詩不出當時臺閣之體

維楊懷古

廣陵河上路煬帝昔曾過不見瑤花發猶傳玉樹歌臺荒衰  
柳在宮廢亂螢多欲問前朝事悲風起夕波

踏雪

一路寒山雪未消尋芳不惜碎瓊瑤梅花昨夜將春色開到



江南第幾橋

周孟簡 一首

孟簡述從弟永樂甲申以第三人及第授編修進詹事府丞改襄府長史有急就西垣兩京吟豪

田按孟簡登第後授編修二十餘年始遷詹事府丞又改長史仕宦可謂不達王行儉李古廉云然竹垞詩綜僅稱官詹事府丞疏矣

送陳員外使西域詩 有序

司封員外郎陳公子魯臣之賢者也以明經登進士第列官於朝屢使蕃夷克舉厥職永樂初拜擢今官今年秋皇上欲遣儒臣有文武才者遠使西域大臣以子魯薦命下之日子魯躍然喜動顏色告諸寮友

乙籤卷八

六

曰士生明時得委身於朝苟可効涓埃雖鞠躬瘁力無所遜避西域雖遠聖天子聲教所暨之地也於是治裝告行臆子魯其賢矣哉視萬里若出戶闥雖殷大夫何以過之子於子魯居同鄉學同志復得相與宦遊於兩京欲已於言得乎遂賦詩歌以識別

金臺八月驚寒早一夜清霜零白草故人別我出都門西風萬里交河道憐君草莽一書生曾是高皇知姓名揮毫每視金鑿草乘傳屢入南交城只今又作鳳池客天語傳宣到番國郎官不減舊聲華聖主非常賜顏色新錫貂裘不憚寒壯遊誰道別離難流沙只合吟邊度蔥嶺惟應馬上看看山對景多行樂張騫偉績今猶昨聖主當圖絕漠功丹青好畫麒麟



王直 十五首

直字行儉泰和人永樂甲申進士選庶吉士歷修撰  
仁宗卽位遷侍讀進侍讀學士右春坊右庶子宣德  
初進少詹事正統初進禮部侍郎尋進尙書改吏部  
景泰帝卽位加太子太保進少傅以易儲進太子太  
師英宗復辟乞休天順中卒贈太保諡文端有抑菴

集四十卷

四庫總目直詩文典雅純正有宋元遺風自永樂初爲  
庶吉士卽承命入閣典司制誥翰林二十餘年朝廷  
著作多出其手當時與王英齊名有西王東王之目  
而直尤爲老壽巋然負一代重望明自中葉以後文  
士始好以矯激取名直當宣德正統間去開國之初  
未遠淳樸之習猶未全漓文章不務勝人惟求當理

乙籤卷八

七

故所作貌似平易而温厚和平實非後來所及雖不  
能追古作者亦可謂尙有典型者矣  
水東日記王抑菴先生典選遇不如意事好誦古人  
詩以自寬一日有新得給事中卽欲干撓選法者曰  
偶然題作木居士便有無窮求福人御史有言吏部  
進退官不當則曰若教鮑老當筵舞更覺卽當舞袖  
長要多切中云  
田按東王詩冲融雅飭可肩隨西楊史稱東王自內  
閣出治部事蓋西楊擠之水東日記云楊文貞公傳  
王抑菴尙書作公嘗三致書商推書劄再致澗筆且  
求其親書俾子孫寶藏田謂此西楊恐其有憾故於  
生前預求作佳傳以掩其迹其譎於取名如此

杏園雅集詩

穆穆春陽杏華旣繁爰與君子樂此中園鳴鳥在上芳草在  
下惠風徐來心焉孔豫豈無旨酒亦有嘉穀載勸載醕以永  
今朝時之和矣物亦遂只天子萬年德音不已

翰林記正統二年三月館閣諸人過楊榮所居杏園  
燕集賦詩成卷楊士奇序之且繪爲圖曰杏園雅集



預者三楊二王錢習禮李時勉周述陳循與錦衣千戶謝庭循也榮復題其後人藏一本亦洛杜之餘韻云

下衛河憶前行諸公

移舟下前浦風急衛河深極目曠千里悠悠西日沈永懷白雪唱自和滄浪吟煙波何處泊徘徊勞寸心

題山水畫

冥冥芳樹春杳杳青山曙幽人載酒行耽此靜中趣還擬問漁舟深入花源去

題天池石壁圖

石壁凌蒼蒼天池在其上層巒鬱龍嵒積水浩奔放飛流且百仞峻拔非一狀迢迢松下人雅尙與之抗披襟滌塵煩極

乙籤卷八

八

目喜幽曠遠將勝匡廬近欲踰雁宕子意良亦然臨風默惆悵

下銅塘口

泛舟銅塘口截出樟樹鎮江迴水百折風雨一何盛望望洲渚長迢迢人煙暝牛羊被阡陌桃李紛相映人家依古樹寂寞柴門靜徘徊念鄉邑山川逾遼夙誰謂行路難棹歌滿清

聽

西南夷以麒麟獅子諸物來獻有旨賜觀退而賦此以

進

聖皇端拱如堯羲深仁大德均華夷昆蟲草木各生遂四方萬國皆恬嬉西南夷在荒服外自昔窮處天一涯只今感德



爭貢獻梯山航海來京師麒麟當前旅庭實天朝上瑞安敢  
私厲身牛尾蹏類馬有角不舐稱仁慈回翔中庭鳴應律從  
以頷頷黃金獅雄姿猛氣乃柔伏蒙茸領下舒髯彤紅纓錦  
帶巧縈絡左顧右盼鮮颺吹龐然福祿從古稀進退馴擾不  
受羈黑章白質相間錯晴日正照光陸離神羊巨尾疑玉脂  
彩輪輿曳參追隨馬哈毛質亦甚奇兩角觶曲垂半規矯矯  
彌猴霜雪資下視赤豹憎黃鬃祥烏皓彩奪人目振翻還欲  
搏朝曦駭雞七尺好羽儀飲啄不羨山梁雌元裳綰袂貌閒  
暇警曉會上蟠桃枝紛紛前後若有喜共逐麟趾登彤墀天  
門大開玉色怡慶雲燿燿垂九芝千官趨朝儼在列鳴環曳  
珮紛透池懽呼拜舞頌明主若此嘉祥天所爲周南想像託

乙籤卷八

九

賦詠豈若親見當盛時皇圖聖壽同天地彌憶萬歲長如斯

小臣作歌愧荒陋勉上繼唐虞詩

田按永宣兩朝瑞牒連翩象胥雜沓奇獸珍禽疊見  
賦頌魁然其形移玉山雪色毛鮮甚秋水姚少師廣  
孝詠白象也鉤爪戟利鬣齒霜潔首固蜀山之精額  
壯昆吾之鐵李祭酒時勉賦獅子也肉鬣麟臆蘭筋  
玉質赤鬣紛敷龍鱗潤澤日如紫電流若流星不資  
牝牡神化流形胡祭酒傑頌龍馬也素質文章雲舒  
霧凝匪包而鳳匪角而麟梁侍讀潘歌駟虞也祇應  
元氣母孕此石腸兒錢修撰仲益紀神龜也西殮瑤  
草入崑崙東啄瓊芝栖若木周尙書忱咏白鳥也與  
鳳同類陰陰於帝舜之庭如玉之輝翺翟在周玉色  
圓楊少師士奇賀白鵲也鳳之族兮翺翟在周玉色  
兮揚微青冠雜紫兮尾魚赭發丹邱兮越赤城高經  
歷得賜賦青鸞也海南之國卜利哇乃有此歌出大  
麓奇文問錯分黑白毛質無瑕瑩如玉超騰迴覺長  
風生一鳴解使百獸伏金少保幼如歌福祿獸也此  
若玄兔白雉靈犀白鹿之屬更僕難數太保王公他  
詩與夏忠靖原吉聖德瑞應詩會萃一篇更爲賅備  
夏公詩云聖主膺乾運垂衣馭八區道隆堯舜比功



茂禹湯俱蕩蕩三邊肅熙熙兆姓娛普天歌至治率  
土發靈儲爰有諸蕃國能忘萬里塗隨槎超瀚漫獻  
瑞効勤劬渺渺來中夏愴愴觀帝居麒麟呈玉陛獬  
子貢金鋪紫象靈山種驕馴澗水駒駝雞同鷺鴛文  
豹擬騶虞福祿身紆錦靈羊尾載車霜姿狻更異長  
角獸尤殊綵檻奇音鳥離龍雪色烏立龜三尾曳山  
鳳五花敷日上龍墀麗風回貝闕迂禮官躬典設蕃  
使肅奔趨仙掌開丹辰祥煙散紫衛重瞳欣一顧百  
辟震三呼茲豈尋常致端由聖化孚旣將昭常德尤  
足壯神都炎漢何能擬姬周莫並驅拜瞻嗟慶幸稱  
贊愧荒疏惟願皇風洽仍祈化日舒鴻圖千載固聖壽萬年餘

### 賜遊西苑詩

圓殿巍巍近紫薇宸遊常得奉慈闈丹楹仰見神龍繞繡栱  
還看彩鳳飛一統皇圖天廣大萬年聖德日光輝比隆惟有  
唐虞盛此外應知似者稀

綺構憑高倚北宸洞門斜轉上嶙峋金鋪宏敞甯知暑青瑣

### 乙籤卷八

十

虛明不受塵仙卉花開騰鳳彩古松枝偃露龍鱗臺前池水  
涵空濶散作恩波四海均

萬歲仙山玉疊成御池千頃鏡光平渾疑弱水通三島還似

崑崙接五城繡羽錦鱗春意滿瑤林琪樹午陰清靈臺靈沼

傳周雅此日謳歌頌聖明

詔許觀遊到九香玳筵賜宴接金貂玉壺美酒葡萄溢寶鼎  
珍穀芍藥調翠柳低垂渾解舞黃鸝婉轉似聞韶愚臣何幸

蒙恩澤願效涓埃答聖朝

田按東楊賜遊西苑詩及序已具錄別卷行儉此四  
詩亦同時賜遊作也又東里集有賜遊西苑詩序與  
東楊所述略同末云士奇預侍宴間於茲屢矣東里  
又有遊西苑詩云廣寒宮殿屬天家晚於宸遊駐翠  
華瓊液總頌仙掌露金支皆挿御筵花棹穿蘋藻波  
間雪旗颯芙蓉水上霞身世直超人境外玉盤親捧



棗如瓜附錄於此

### 遊萬崱山詩

路過龍池得勝遊長橋中斷卻容舟三門窈窕煙霞迴萬石

空嵌洞壑幽良岳雲昏疑帶雨康干松老不知秋山下石

變奇峯蓋良岳之絕奇者又有康干石康干遠國重來最喜

名石乃松木入河水浸漬久而成者其木理宛然

重來最喜蒙恩澤蓋

田按抑菴此詩有序云六月七日陪少師少保及諸

學士於太液池上焚三朝寶錄草本詔許遊萬崱山

觀前元遺跡中官引自圓殿後度石橋橋中空二丈

許用一大舟實其中以通行者既度入山門門有三

中爲御路衆從左右門入山背奇石疊成相傳金時

取宋良岳之石爲之至元增飾加結構焉此詩末云

重來最喜蒙恩澤蓋

在賜遊西苑後矣

### 題范啟東秋江捕魚圖

#### 乙籤卷八

十一

我家住在澄江上曾羨漁翁盡日間舉網得魚供醅酌傍岩

濯足弄潺湲芙蓉浦裏晚花淨楊柳汀前秋葉斑此日看圖

動遐想鷗波浩蕩幾時還

### 題畫

危岑離立干仞峭石孤撐數尋風清竹外微暑日轉松間薄

陰天闊最宜遠望亭閒正好長吟眼前飛瀑如練更愜幽人

素心

### 夜泊

灘水微茫清見沙隔河荒草少人家舟中夜起看北斗霜露

滿天山月斜

王英 七首



英字時彥金谿人永樂甲申進士選庶吉士歷修撰  
侍讀仁宗卽位進侍講學士再遷右春坊大學士宣  
德中遷少詹事正統初擢禮部侍郎進南禮部尙書

卒諡文安有泉坡集

田按泉坡早結主知雖陟清華未及柄用史稱好規  
人過故與三楊齟齬不合余觀東王祭泉坡文云出  
入朝廷敬恭將事不翕而回不矯而異可以知其旨  
矣詩五言如良玉纈栗迥異當時臺閣之體

六賢詠

待制本儒生素心亦何烈臨危仗孤劍誓死以殉國蛟龍爲

悲吟天地慘無色殺身良獨難求仁義斯得

黃待制尋

劉公廟堂器制行超羣儒累遷陟華要獻替多謀謨解組值  
衰暮歛歎返長途全軀效子容知止儕二疏周詩詠明哲清

乙籤卷八

十一

風其穆如

劉工部傑

渤海事文翰景範肅芳規一命才未究惜哉時已危悲悽近  
故域疑睇掩荆扉薄採南山蕨莫充首陽饑遺生竟誰待視

死乃如歸

陳渤海介

文貞尙儒雅探索古聖經蜚騰冠羣秀久爲幕下英乘槎重  
興歎道在時不行慷慨力陳言沈冥獨撫膺未能效仙尉竊

自比仲卿

葛都事元喆私諡文貞

伯達負奇操肅然佩珩璜守官非狗祿蹈世嘆危亡鳳凰本

靈鳥其鳴待朝陽頽光不足惜振翮干仞岡

王博士彰

鳴陽有佳士金玉麗厥躬擔簦師先覺琢礪德彌充辭華若  
利劍揚馬避其鋒懷寶終不售抗志靡他從勉遵宣尼訓固



守君子窮 朱徵君夏

阿魯台受封後遣其幼子入侍

遠分符券冊天驕恩似春陽及草苗虜騎萬人先納款蕃兒  
十歲也歸朝舊垂髻髻纏宮錦新賜珠纓珥漢貂暗想黃雲  
砂磧裏托身何幸到青霄

章敞一首

微字尙文會稽人永樂甲申進士選庶吉士改刑部  
主事歷員外郎中改吏部擢南禮部侍郎有質菴集

送李推官謫湖南

玉陛朝承明主恩扁舟八月下荆門斷煙斜日荒山路野水  
寒鴉獨樹村江浦潮聲天外遠衡陽秋色望中昏鷓鴣聲裏

乙籤卷八

三

湘江暮莫賦離騷怨斷魂

余學夔一首

學夔字一夔泰和人永樂甲申進士選庶吉士授翰

林檢討進侍講有北軒集

田按侍講與修兩朝實錄宣德五年實錄成敕吏部  
進纂修以下官疏自陳老疾竟不加官而去士論高  
之楊東里稱其明經博古負直氣侃侃遇事徑發不  
肯苟阿狗蓋古之君子也詩亦軒爽

送胡中書教授臨江

十載抽毫侍御筵傳經鄉郡理歸船天低玉笥浮雲外水遶  
清江夕照邊賓館春醪從客醉鳳池詩句許人傳養親正喜  
鄉園近何用臨歧更惘然

章樸一首



樸字原質甯海人永樂甲申進士選庶吉士坐收藏  
方正學遺文死

田按永樂時藏侯城文者罪至死迄今遜志齋集軒  
軒天壤間公論所在雖峻罰不能令其泯滅也原質  
死哀哉

臨刑詩

面母終無日歸魂定有期空令二三月鵲帶血痕嗚

乙籤卷八

西



明詩紀事

貴陽陳 田輯

乙籤

陳敬宗 七首

敬宗字光世慈溪人永樂甲申進士選庶吉士授刑

部主事擢翰林侍讀改南國子司業遷祭酒卒贈禮

部侍郎諡文定有澹然居士集十八卷

陳子龍明詩選文定詩典質和平盛世之風

北按光世學行為六館師表與李祭酒時勉稱南陳

已官太學王振欲納交光世求書程子四箴署名而

如也向推其應制諸作余謂

南溪草堂

乙籤卷九

去家南溪濱還住南溪曲未覺雲物疏共愛山水綠臨流四

五家桑麻繞茅屋日出雞犬喧春深散花竹乘興泛滄浪煙

波渺退矚山色遠逾淨漁歌斷還續歸來蘿逕深筠窗愜幽

獨軒冕豈不榮野服無拘束鷗鳥相與閒逍遙乃云足

載酒堂

彭澤去已遠誰知物外情高懷獨超曠淡然無俗營結廬在

山水虛閣涵餘清同志或相遇開樽聊共傾白雲滿巖阿秋

風吹落英有酒不為歡空餘身後名微雨曉來霽悠悠天宇

澄雖無軒冕貴聊自樂吾生

元夕觀燈應制

皓月金門夜和風玉殿春雲移三島近燈簇萬花新天仗臨



丹辰星橋接紫宸中官宣德意宴賞及羣臣

紫禁疏鐘靜高城刻漏傳五雲迎寶蓋萬戶綴金蓮瓊醴行

仙席龍盤進御筵教坊呈百戲齊過玉階前

劍佩青霄近峯巒翠閣重花明金殿月香度玉樓風拜舞諸

蕃集歡娛萬國同遙聞歌吹發五色慶雲中

紫陌連清禁彤樓接絳河九門星彩動萬井月華多寶炬通

宵朗鸞笙協氣和臣民涵聖澤齊唱太平歌

山擁金鰲壯雲盤綵鳳來星河隨斗轉珠闕倚天開歡洽春

聲徧恩從淑氣回願歌魚藻詠長奉萬年杯

雙槐歲鈔永樂己丑令自正月十一日為始賜元宵節假十日壬辰正月賜文武羣臣宴聽臣民赴午門外觀鰲山歲以為常車駕駐兩京皆賜觀燈宴上或御午門示御製詩使儒臣奉和覽而悅之賜以羊酒

乙籤卷九

二

鈔幣時評應制諸作以陳侍講敬宗五首為工翰林記宣德三年元宵賜文武大臣觀燈於萬歲山命宦侍宴學士楊榮進元宵賦賞鈔三千貫侍讀錢習禮等賦詩以進咸命觀燈於萬歲山賜宴各以詩進賞鈔各六千錠七年元宵節賜觀燈於西苑仍賜內閣白金綵幣遣中官送於其第蓋自宣宗即位以來凡遇時節必賜侍臣以詩章及內醞珍羞而元宵為尤盛云

田按元宵應制詩遊人多晝日明月讓燈光唐王維句也雙鳳雲中扶輦下六龍海上駕山來宋王珪句

也明初高季迪亦有元夕六龍海上駕山來宋王珪句

外元宗為第一余謂員外明詩篇宣廟品第兩朝賜

近御筵多自足擅揚而當時應制諸作陳祭酒敬宗

五律外殊多掩映少師榮云象緯臨天闕露空集

不肩千官陪宴樂歌舞在明庭周庶子述云魚鑰通

宵徹金蓮達曙紅門開九霄上葦度五雲中劍珮隨  
仙蹕旌旗拂影虹宸遊多樂事此夕萬方同會簷事  
榮云天臨黼辰動龍光三島新移植建章禁署風  
懸寶炬綺羅干隊出紅粧承寶殿轉運紫霞鵬梁侍  
迴散御香歌舞不知清漏永宮筵還進紫霞鵬梁侍



讀潛云銀漢橫空寶月團六鰲飛出五雲端蓬萊紫  
禁天中起玉井紅蓮地上看滿殿嬌歌留夜景千門  
羯鼓散春寒教坊戲樂回同異殿奉龍顏萬歲歡火  
祭酒儼云風清華月麗晴空湛露凝開聖澤濃燈火  
遙連丹闕外簫韶只在彩雲中九重瑞霧浮金雀萬  
樹銀花燦玉虹光祿傳宣催進酒烏紗都映醉顏紅  
金少保幼孜云天仗森森列寶氣回仙樂選鼓如雷  
金蓮夜放輕寒散絲絳承恩濕感遇深漸負  
管紫宸頻上萬年杯傳柑歲歲承恩濕感遇深漸負  
不才閨闈重夜不眉瓊樓十二做銀屏東風一曲  
昇平樂此夜  
都人盡許聽

李時勉

二首

時勉名懋以字行江西安福人永樂甲申進士選庶  
吉士授刑部主事進侍讀改御史以事下獄復官進  
侍讀學士再遷學士改祭酒諡文毅改諡忠文有古  
廉集十一卷

乙籤卷九

三

國史唯疑李時勉陳敬宗終淹國學西楊與有責焉  
間敬宗頗直指西楊過惟西楊匡輔君德處多功大  
未易瑕疵疑在魏徵褚遂良之間  
藝林伐山元武伯英詠燭翦詩嗾殘瘦玉蘭心吐蹠  
落春紅燕尾香爲一時所賞國朝李古廉詠翦刀詩  
吳綾翦處魚吞浪蜀錦裁時燕掠霞深院響時春晝  
靜小樓工罷夕陽斜公之直節清聲而詩嫵媚如此  
信乎賦梅花者不獨宋廣平也  
田按祭酒折脇殿廷荷柳國學剛毅之氣折而益勵  
詩乃清婉可味

送樂舞生戴尙禮歸禾川

豔秋菊兮花滿枝掇芳香兮泛瓊卮送君去兮南歸風飄飄  
兮吹衣楚山峩峩兮楚水滴滴水有蒲蓮兮山有靈芝山中  
之樂兮何有窮期悵一別兮天之涯月皎皎兮長相思

古意寄曾學士

梧桐生崇岡亭亭出雲林一朝樵夫採斤斧來相尋幸爾爨



下餘斲削成素琴  
粲絃朱絲煜煜徽  
黃金當窗試一彈  
悠然太古音  
清流遠白雲  
蒼山深世無  
鍾子期誰能識  
子心

小瀛洲爲抑菴少宰賦

張甲

元

甲第旣宏廠齋居愛幽  
徕徘徊徂梁棟間宛在蓬壺  
山蒼松隱崖岫白日霏雲  
煙皓鶴天邊來靈颿波上  
旋偃佺羨門子羽蓋何翩翩  
我欲往從之愧無凌風翰  
一水邈難卽引領增慨然

然

周忱一首

忱字恂如廬陵人永樂甲申進士選庶吉士授刑部主事進員外改越府右長史擢工部侍郎巡撫江南

乙籤卷九

四

遷戶部尙書改工部卒諡文襄有雙崖詩集六卷

田按甲申庶吉士進學文淵閣者二十八人恂如自交誼解大紳繫獄交知絕迹薪米之奉獨出恂如於紳贈詩有當時霜雪被滿野惟見青青松樹枝之句

送廖主事還南京

題柱才名舊還宮  
別意新柳花低撲  
酒山翠遠迎人去馬嘶  
芳草嬌鶯惜晚春  
秣陵千里外飛夢更相親

李昌祺十四首

小昌祺名禎以字行伯葵子

見甲籤

永樂甲申進士選庶

吉士擢禮部郎中出爲廣西左布政改河南有容膝

軒草運甃漫稿

四庫總目昌祺詩一變綺靡纖巧之習而以流逸出之故別饒鮮潤



李時勉古廉集李布政詩如織雲淨空變態而難狀  
春泉注整澗瀾而無窮  
水東日記廬陵李禎爲人耿介廉潔自始仕至歸老  
始終一致人頗以不得柄用惜之嘗自贊其像曰貌  
雖醜而心嚴身雖進而意止忠孝稟乎父師學問存  
乎操履仁廟稱爲好人周藩許其得體不勞韓友贊  
詞自有帝王恩旨蓋亦有爲言之也景泰中韓都魯  
史雍告之故老進列先賢祠中獨以嘗作翦燈餘話  
不得與  
安磐頤山詩話李昌祺翦燈餘話記事可觀集句如  
不將脂粉洗顏色惟恨偶塵染素衣漢朝冠蓋皆陵  
墓魏國山河半夕陽對偶天然可取也  
田汝方伯詩色新意古諸體並工在永樂詩家中獨  
標一格當時選二十八士進學文淵閣有才如此不  
與其列操鑿衡  
者能辭其咎乎

### 春日與高逸人行秦淮河上作

端居苦無悰今旦得良契迢遙出近郭散策淮水際草輭倦  
堪眠林香醉宜憩鳥暝晴始和川容晚逾媚篠深風葦密沙

### 乙籤卷九

五

沒夕潮至野鷺渾忘機似識靜者意幽懷頗得愜逝景苦難  
繫候卒哺欲還春城暝將閉因知市朝隱兼有林壑致永言  
終此生涵泳太平世

### 題雙燕圖寄表弟陳安行

君家崑溪北我家郡城西君家梁間燕我家梁間棲我從出  
鎮來寒暑又三變不見故鄉春惟見故鄉燕挈家吉城邊寓  
家汴河湄燕識主人心相隨不相離念君千里隔見君幾時  
得欲令燕銜書飛歸到君側君能弗吾棄爲理白雲莊願言  
共君老看燕雙飛翔

### 擬唐塞下曲

羽箭雁翎刀風沙北地豪弓開關月滿鵬沒陣雲高勁騎三



邊出名王一夕逃將軍方得意新拜璽書褒

彭澤縣石崖僧房

窗戶俯澄潭龍宮似可探藤蘿棲鶴樹瓶錫定僧岩斜日疏  
疏磬長風去去帆只應輸野衲長此卧煙嵐

宿廢普濟寺

青山行欲盡深樹見僧房雲氣千峯暝秋聲一院涼長藤懸  
破衲脫葉覆空廊龍象黃金地蕭蕭蔓草長

三月四日卽景

忽忽春將暮俄過三月三草誰憐益母花自媚宜男仁到尋  
巢燕初眠上箔蠶新茶與稗筍鄉味憶江南

張舒州家觀元承旨危素畫像

乙籤卷九

六

虞揭凋零玉署空堂堂至正獨推公氣全河岳英靈秀手抉  
雲霞制作工江總歸陳翻恨老賈生鳴漢早稱雄丹青似有  
無窮意卻寫南冠入畫中

雨中發洪都

豫章城下水如苔風雨官河一棹開山色遙連蕭寺暝雁聲  
斜度楚雲哀霜凋遠樹寒燈見烏背孤帆極浦回畫棟朱簾  
遺閣廢荒基歲歲長蒿萊

送子生還鄉

紅槿村稀夜合殘行人千里問鄉關客情偏在初秋裏旅夢  
頻生半醉間細雨帆檣投極浦孤村燈火隔前山西風無限  
滄洲意欲採芙蓉愧未閒



駕幸朝天宮祭星

上帝蕭臺衛百靈  
儲皇拂曙醮羣星  
清都秘籙開雲篆  
白晝神雷擲火鈴  
曉露未乾珠樹濕  
天風微動寶花零  
叨恩久在南宮裏  
長從鑾輿幸冷亭

訪鷺洲書院遺址

宋家書院但空名  
二水中分草樹平  
陵谷變來基亦廢  
野人耕處草還生  
落花細雨文魚上  
殘柳西風白雁鳴  
臨眺不堪懷往事  
城頭畫角更淒清

小滿日口號

久晴泥路足風沙  
杏子生仁棟謝花  
長是江南逢此日  
滿林煙雨熟枇杷

乙籤卷九

七

梔子畫眉圖

昔年曾伴董嬌嬈  
長把春山笑倩描  
今日梁園空見畫  
烏嚙花落鬢蕭蕭

山中見牡丹

不嫌惡雨並乖風  
且共山花作伴紅  
縱在五侯池館裏  
可能春去不成空

張徹 三首

徹字玉瑩新淦人  
永樂甲申進士  
歷吏部主事郎中

有退菴集

田按甲申一榜  
入文淵閣進學者  
江西多至十五人  
此外如李布政昌祺  
張郎中徹殊自錚錚  
不在諸人後之



盱江山水圖爲鄭文選誠作

吾聞匡廬之山盤礴而崔嵬金作蓮花雲作臺九江之水小  
如杯洞天石扇空中開巨靈怪山欲將海門扼剗卻一半移  
向君家來君家住在盱江滸宛若神仙開紫府白日吹笙鼓  
琴瑟窗戶無塵灑香雨門前春煖溪水生園林好景皆天成  
溪花向日半含笑溪樹無風如有聲沿溪有路出林杪溪頭  
遠見孤舟小行人日晚促歸驂斷岸天高度飛鳥三山迢遞  
隔紫煙颯輪羽蓋來飛仙問之何所事丹鼎功未圓直欲授  
君久視長生訣並乘白鶴上下相周旋嗟我村野人未達仙  
家奧自知骨相凡何由得深造老來頭白欲息機見畫頓覺  
心神飛何當長揖謝塵俗與君挂席西江歸

乙籤卷九

八

送皮如谷

喜釋魯橋役便尋金水船銘心思報主迴首若登仙掃雪開  
松徑穿雲種秫田端居謝名利詩酒度流年

晚過劉懋烈山庄

喬木山中舊日庄花深苔徑襲人香青松白石隨心賞翠壑  
飛泉引興長林月夜分桑柘影溪雲冷入薜蘿裳多情惟愛  
天台客翦燭分題醉夜涼

王恪

一首

恪字孟誠湖口人永樂甲申進士授評事歷廣東道  
御史遷參議未赴乞歸

題閻阜山



葛嶺煙霞幾萬重仙壇湧出翠芙蓉瓊林月上時聞鶴丹鼎  
雲生或見龍天上珮環蒼玉冷山中冠劍紫苔封憑誰喚起  
西風夢鳴水臺前五粒松

羅亨信

二首

亨信字用賓東莞人永樂甲申進士改庶吉士歷工  
科吏科給事中謫交趾洪熙初召還爲御史正統初  
擢僉都御史巡撫宣大進右副都御史景泰初轉左  
副都御史有覺非集

少年行

金張遊俠子隸籍李輕車祗服過侯弟鳴箏入主家醉呼槐  
市酒夜宿杜陵花更有期門約悲歌別狹斜

乙籤卷九

九

成婦詞

去年戊桑乾今年戌交河書來渾不定教妾夢如何

古意

傍石蒲草瘦傍湖蒲草肥因依各已定不願更相移

羅汝敬

一首

汝敬名肅以字行吉水人永樂甲申進士歷翰林修  
撰以言事下獄改御史擢工部侍郎兩使安南巡撫

陝西有寅菴集

雲錦峯

廬山東南雲錦屏裂雲製錦羅翠青水簾捲秋天漠漠春色  
入樹花冥冥屏陰處處青山小古剎鳴鐘自昏曉一鏡平湖



凝黛螺萬里長天度飛鳥故人舊隱斗南家玉堂十載思煙  
霞何時乞得南歸去醉卧屏前掃落花

楊勉一首

勉字宗勛江甯人永樂甲申進士選庶吉士改刑部  
主事進郎中擢行在本部右侍郎坐事繫獄洪熙改  
元復官出爲山東右參政改廣東

樂靜爲謝庭循賦

素志厭煩囂華軒敞幽闌端居得時暇琴咏聊獨適芸窗竹  
露繁草徑蘿煙積座分嘉樹陰簾逗遠山碧塞芳涉清澗玩  
雲憇苔石一鶴溪上還青林帶斜日境勝迹自幽神恬興逾  
逸妙契靜中趣於焉樂無極

熊直一首

乙籤卷九

十

直字敬方其初冒姓胡吉水人永樂甲午舉人有西  
澗集

薊門秋夕

清漏遲遲月轉廊博山銷盡水沈香重城不鎖還家夢兩夜  
分明到故鄉



明詩紀事

貴陽陳田輯

乙籤

魏驥一首

驥字仲房蕭山人永樂乙酉舉人授松江訓導遷太常博士宣德初進吏部員外郎歷太常少卿正統三年擢行在吏部左侍郎改禮部再改南吏部進尚書

景泰初致仕卒諡文靖有南齋前後集

雙槐歲鈔魏文靖公天順甲申遇憲廟卽位詔文武官五品以上致仕者進階一級時年九十一歲進一品官階閒居述懷云一品新升遵紫誥百年將眉荷蒼穹至己丑元日年九十六詩云年登上壽身逾健官拜深恩秩更加庚寅元日年九十七歲詩云酒香旋渡迎佳客詩就清吟積舊編辛卯年九十八歲九

乙籤卷十

月十九日病中臨終詩云瑤島不勞青鳥至菊籬還許白衣來官至一品年近百歲國朝大臣罕與之儷池北偶談魏文靖詩秀麗可誦

題趙松雪小像

天潢玉樹溥華滋水晶宮小春遲遲漚波桂楫浮輕漪桃笙豹枕羅香幃蜀琴嘒鳳彈吳絲翠華渺渺羶塵飛銅仙淚泣風淒淒瑤階土蝕秋蟲悲蟬衫寶璫雙蟠螭玉堂歸老江南

時

黃子久沙磧圖

江邨望極際春明市地人家喚欲磨芳草一川朝濫濫嬌鶯隨處柳層層茆偏水遇幽島苔徑穿雲接稻塍回首夕陽天末墮老漁猶自未收罾



林長懋 一首

長懋字景時莆田人永樂乙酉舉人除南昌教諭改  
青州教授擢翰林編修遷中允出知鬱林州忤旨下  
獄十年遇赦之官有竹莊集

蘭陔詩話竹莊詩恪守  
唐人矩矱不踰尺寸

出西門行

出西門望晉陽太行山高路茫茫來鴻雁鳴蛩蟻今我不樂  
露爲霜來日短去日長况復萬里非故鄉

陳全 三首

全字果之長樂人永樂丙戌第二人及第授翰林編

修遷侍講有蒙菴集

乙籤卷十

田按果之詩有  
新色希蹤韋柳

秋江曉釣

澄江澹夕波危峯逗煙景孤坐一竿秋微風鬢絲冷釣國非  
所任濯纓趣方領長嘯山月高蒼茫楚天迥

送人歸江右

祖席白下亭買榼秦淮浦人分梧葉秋恨帶芭蕉雨長風吹  
片帆倏忽邈何許矯首隔雲山望望空延伫

敘舊

故國別來久那堪憶舊遊鶯花春接席風雨夜同舟明月心  
千里青山夢一邨相思限吳越雲樹共悠悠

謝瑾 一首



瑾字庭蘭鄞人永樂丙戌進士出使粵中以薦除刑部員外郎遷郎中出知平陽府擢陝西按察使有蝸

濡集  
田按庭蘭詩  
好作奇語

長淮

千里淮流勢若奔建瓴西下地平吞天吳激浪來江口鬼伯  
推潮出海門疏雨數聲雲入浦遠林一抹水連村沂流有客  
登瀛去路入清河日又曛

曹闡 一首

閻字冀成江夏人一云黃巖人永樂丙戌進士官監察御

史有蘭臺稿

乙籤卷十

息耕軒爲應尙惠賦

早歲厭卑近所向輕四方泛舟越黃河驅車登太行客路無  
所極翻然歸故鄉東臯足春雨曉出移新秧石田土力薄豐  
歉未可量肆勤苟及期卒歲庶有望所喜隣交親言論款衷  
腸卽此諧所願貧富安其常

薛常生 一首

常生字王用上虞人永樂丙戌進士官吏部郎中

青州道中

遠道長爲客寒宵夢到家故山風景好香雪壓梅花

劉髦 一首

髦字孟恂永新人永樂戊子舉人有石潭存稿覆瓿



集

登東華

層樓華構鬱崔嵬，隔水紅塵晝不來。  
鐵笛一聲天外響，月明疑是呂仙回。

黃陽 一首

賜字原升莆田人，永樂辛卯第三人及第授編修。

次潞河

朝發薊門道，暮宿潞河灣。  
落日如有意，爲我駐西山。  
雁影水雲外，碓聲煙樹間。  
時逢瀛洲侶，共泛仙舟還。

錢習禮 一首

習禮名幹，以字行。吉水人，永樂辛卯進士，改庶吉士。

乙籤卷十

四

授檢討，歷侍讀、侍讀學士、掌院事，擢禮部侍郎，卒諡。

文肅有應制集詞垣續稿歸田稿。

和曾侍講送陳郎中重使西域

歸朝名馬貢飛黃，再撫羌夷出塞長。  
纔到交河南部識，重經瀚海舊營荒。  
客程春半時逢雨，虜地寒多夏亦霜。  
從此番酋俱款附，不須生致左賢王。

熊概 一首

概字元節，吉水人，舉人，直子，永樂辛卯進士，榜姓胡。

除御史，出爲廣西按察使，改廣東宣德初擢大理卿。

巡撫兩浙及蘇松諸郡，遷南都察院右都御史，有芝

山居士集



登岳陽樓

巴陵城上岳陽樓，樓外長江日夜流。  
簾捲斷雲衡嶽曉，窗含殘雨洞庭秋。  
東南勝概留清賞，唐宋衣冠嘆昔遊。  
倚徧闌干重弔古，萊菔落不勝秋。

黃壽生一首

壽生字行中莆田人，永樂辛卯進士，改庶吉士，授檢討，有集十卷。

過凌霄道中

浩浩寒流急，茫茫曉望餘。  
綠州迷杜若，碧浪泛桃花。  
川樹煙中沒，雲帆鳥外斜。  
欲尋天盡處，彌漫失津涯。

林實一首

乙籤卷十

五

實字中美，長樂人。永樂辛卯進士，榜姓吳，除監察御史，出爲廣西按察僉事，有樸齋集。

雨中懷陳馬二翰林

二月山城煖正融，桃花開盡杏花紅。  
朋游零落春風後，客況淒涼暮雨中。  
閩海幾年誰寄雁，淮山千里獨乘驄。  
玉堂蓬閣如天上，此日懷人思不窮。

馬鐸一首

鐸字彥聲，長樂人。永樂壬辰第一人，及第，除修撰，有

玉巖集

送人歸平陽

太行山上西日微，桐鄉城下行人稀。  
關河萬里愁歸客，汾水



秋風孤雁飛

林誌 六首

誌字向默閩縣人永樂壬辰第二人及第授編修歷

修撰侍讀右春坊諭德有部齋集十五卷

田按尚默為王孟揚弟子詩沿閩派時有警音尚默之卒也同館多有挽詩侍講泰和余學夔詩云詞華推哲匠科第重明經泛覽窮奇僻幽探洞窈冥淒涼遺舊事惻愴看新銘日暮西岩曲丹旒不可聽多病文園久仙遊去不還喪車經衛水丹旒不聞關野鳥悲殘雨浮雲蔽舊山孤雛扶輿往辛苦冒危艱檢討東魯許彬詩云故友留長劍孤兒哭素帷茂陵無舊稟杜曲有遺詩黃甲名猶在青雲志可悲潞河丹旒去行道亦連瀕修撰泰和曾鶴齡詩云卧病京華眾所憐青燈孤榻夜蕭然賜歸方擬辭雙闕長逝旋聞隔九泉桂館餘風人共惜詞垣遺稿世應傳迢迢旅楸南還路遙指三山若箇邊修撰吉水劉子欽詩云憶昨春明話別離甯期數月永相逢半生富貴成春夢一舉科名冠盛時老我忽驚雙鬢改懷人更覺寸

乙籤卷十

六

心悲校文應過揚雄宅灑淚臨風不盡思諸公詩世不多見附錄於此

題周選部山水圖

披圖紫薇署拄笏青山曉蓬瀛望超忽樓閣訝縹渺天鏡一棹浮雲屏數峯繞滄洲窅無際赤縣坐來小憑虛恍天遊玩化已心了懷哉安期生汗漫扶桑表

遊西峯古寺

石上尋片雲西山得微逕松門天路虛花宇金潭映落葉飛晝長垂蘿結秋暝黃緣遠公社寄適陶潛詠三生了羣迷一寂逾澄境雖云吾喪我應悟慧生定

送隱士黃聲玉

雙井秋陰合蓬門石徑斜殘陽催鳥過疏雨落閒花山帶垂



青幔窗螢照碧紗不知林下客幾處醉煙霞

夜宿黃田驛

早有浮名賦遠遊青山明月共孤舟  
渡頭夜市聞方語樹裏寒燈隱驛樓  
年少有情多惜別秋深無物不關愁  
鄉園殘夢蒼茫裏忽聽舟人起棹謳

後灣渡

清溪源發古靈山小澗縈迴出後灣  
竹徑暗通流水入柴門常對落花關  
黃昏問渡行人少白日隨潮野艇閒  
記得舊遊曾買棹一篙春雨逐鷗還

畫山水爲張中書題

鑑湖春水綠如苔湖上羣峯錦障開  
誰買扁舟從賀監白雲

乙籤卷十

七

林下獨歸來

西蜀竹枝詞中書題

竹郎祠前江水流竹郎祠下同雲收  
竹枝歌向雪中去大小蛾眉俱白頭

黎恬一首

恬字潛輝清江人慎弟

見甲籤

永樂壬辰進士授監察

御史出知交阯南靈州以薦擢春坊諭德

送李大使還清江鎮

三載司征報政成還官深喜拜恩榮  
金臺行色逢秋暮玉筍歸心共月明  
望入長安孤雁遠到來古鎮片帆輕  
煩君寄語周通府渭樹江雲總是情



余文一首

文字孟質蒲田人永樂壬辰進士官常州知府

送黃希尹歸莆

昔見遊青瑣今看已白頭爲丞淹海國作客戀皇州看劍情  
仍在還家寵獨優都門遲去騎潞水艤歸舟岸斷人煙迴川  
長夕照浮亂山迴驛路深樹隱城樓客舍清溪曲鄉關碧海  
陬親朋登眺處還憶薊門不

黃澤二首

澤字敷仲閩人永樂壬辰進士官浙江布政使有旗

山集

直沽晚渡

乙籤卷十

八

雨歇夕陽斜孤帆挂落霞城頭聞戍角海口見人家衰鬢驚  
秋葉歸心逐暮鴉今宵何處泊棹月入蘆花

臨安卽景

臨安多沃土宜麥復宜蠶塔影錢王墓鐘聲淨土菴吳衣矜  
白苧越果重黃柑父老何爲者官亭候使驂

陳鑑三首

鑑字有戒吳人永樂壬辰進士除監察御史歷湖廣  
山東浙江按察副使都察院左副都御史巡撫陝西  
兼督甯夏延安綏德邊備進右都御史太子太保左

都御史諡僖敏有介菴集

田按僖敏鎮陝西有威惠陝人呼爲黑髯翁閩中陳  
泰挽公詩云關西民仰黑髯公紀其事也



宜君山中縱目

石磴迂迴疋馬遲，峯嵐掩映樹參差。幾回接轡看雲度，澗底人家總不知。

衛河道中春陰寫懷

青山隱隱畫沈沈，十日乘舟五日陰。幾度望春春已半，野花啼鳥總關心。

祈仙臺

仙臺百丈倚雲高，玉輦曾登望九霄。青鳥不來王母去，茂陵風雨恨迢迢。

劉咸一首

咸字士皆，泰和人。永樂壬辰進士，官廣東按察副使。

乙籤卷十

九

有河南詠古詩虛菴集

河陰

敖倉屹屹對崑關，廣武蒼蒼夕照間。一片雲生牛口谷，幾家人住虎頭山。英雄割據鴻溝在，王霸興亡白晝閒。往事茫茫只如此，臨風何用起長歎。

林純一首

純字居粹，黃巖人。永樂甲午舉人，授湖口訓導。

題畫

夙有紫霞想，冥棲在巖谷。短屐映蒼苔，長鏡斲黃獨。誰云寡儔侶，長嘯友麋鹿。白雲暮飛來，遮斷前山綠。

陳祥一首



祥字崇儉天台人永樂甲午舉人官工科給事中

春遊國清

幾日林霏暝不開五峯飛翠溼亭臺鈎簾閒探春消息一對  
尋巢燕子來

王逵一首

逵字公路嘉興人永樂甲午舉人官襄陽衛經歷有

南溪吟卷管窺集雲溪遺稿

題宋高宗荔支圖

晏坐深宮寫荔支建炎天步久艱危江南風味真奇絕莫遣  
當年北使知

乙籤卷十

十

高宗北使賦

晏坐深宮寫荔支建炎天步久艱危江南風味真奇絕莫遣

題宋高宗荔支圖

南宮李善曾錄集雲溪遺稿

晏字公弼蘇興人永樂甲午舉人官襄陽衛經歷有

王逵

尋巢燕子來

幾日林霏暝不開五峯飛翠溼亭臺鈎簾閒探春消息一對

春遊國清

祥字崇儉天台人永樂甲午舉人官工科給事中



